


DODECAS
QVÆSTIONUM POLITICARUM IIX.
DE
STATU ROMANO-GER-
MANICI IMPERII,
Quam,
TRINUNO NUMINE SECUN-
DANTE, SUB PRÆSIDIO

M. MARTINI LEVSCHNERI,
in Ducali Pædagogio Sedinensi Philosophiæ
Professoris dignissimi, Præceptoris sui zratem colendi,
examinandam ac ventilandam proponit, &, pro
ingenij sui viribus, defendere conabitur

CASPARUS *Schaum*/Sedin. Pom.

*Habebitur Disputatio 14. Januarij, horis
locoq, consuetis.*

STETINI, Typis GEORGII GOETSCHII,
ANNO 1640.



16

19

**AMPLISSIMIS, CONSULTISSIMIS & PRU-
DENTISSIMIS VIRIS,**

Dn. HENRICO Schweselt / relicto secretioris Came-
ræ Ducalis Consiliario, Affini.

Dn. MICHAELI Newmann / Reip. patriæ Consulibus meritissi-

Dn. JOHANNI Dillies / mis, illi Affini, huic Consobрино,

UT ET

ADMODUM REVERENDIS, CLARISSIMIS

& EXCELLENTISSIMIS THEOLOGIS;

Dn. CHRISTOPHORO SCHULTETO, S. S. Theolo-
giæ D. & ad D. Jacobi Pastori eminentissimo.

Dn. M. SAMUELI FUCHSIO, ad D. Nicolai Pastori
vigilantissimo.

nec non

PHILOSOPHIS CLARISSIMIS

Dn. M. MARTINO LEUSCHNERO, Ducalis Pædago-
gij Stet. Rectori ac Philosophiæ Professori di-
gnissimo, Præceptori suo ætatem
colendo.

Dn. M. JOHANNI MICRÆLIO, Scholæ Senatoriæ
Rectori vigilantissimo, olim Præceptori suo o-
mni observantiæ cultu prosequendo

Præterea,

HONORATISSIMO ac INTEGERRIMO

V I R O,

Dn. JOACHIMO Wanthheim / Aromatario apud Sedi-
nenses primario, Affini suo perdilecto.

*Omnibus & singulis Dn. Patronis, Mæcenatibus, Affini-
bus ac studiorum suorum Fautoribus & Promotori-
bus unice colendis, in debita observantiæ signū, gra-
ti animi symbolum & studiorū suorum commendationem,
hæc Dissertatiunculam Politicam offert & consecrat*

AUTOR ET RESPONDENS.

Utrum apud Dan. c. 2. v. 40. per Tibias ferreas,
 & pedes ferro ac luto permixtos magnæ imaginis, qdæ Ne-
 bucadnezari in somnio apparuit; ut & per Belsiam terri-
 bilem & duram valdè, dentes ferreos habentem, c. 7. v.
 7. intelligatur Romanum Imperium, non verò Alexandri M. po-
 steritas, ut volunt Franciscus Junius, Hugo Brughebonus,
 Polanus & alij.

Non minùs verum, quàm venustum ac elegans est, quod
 habet Ovidius:

Omnia verti

Cernimus, atq; alias assumere pondera gentes,
 Concidere has.

Quam Poëtæ querelam omninò veritati consentaneam esse, ad ocu-
 lum nobis commonstrant quatuor illa summa mundi Imperia, quæ
 licet totum ferme terrarum ambitum sibi olim subiectum habuerint:
 successivè tamen ruinam passi, ab alijs atq; alijs gentibus occupata fu-
 erunt. Primum illud Assyriorum & Chaldeorum Imperium, & maxi-
 mum quidem & pretiosissimum fuit; ita quidem, ut apud Dan. c. 2. nò
 immerito Capiti aureò assimiletur: Quemadmodùm enim aurum præ-
 tiosissimum est metallum, ceteraq; metalla omnia longè exsuperat: ita
 hoc quoq; Imperium cetera regna omnia exsuperavit, interq; ea pri-
 mas obrinuit: verùm, cùm 1300. annos, teste Justino, floruisset, effe-
 minatis Sardapali actionibus permoti Medi & Babylonij, ducibus
 Arbace Medo, & Beleso seu Belocho, circa annum mundi 3077. ante
 Christum natum 871. descivere. Atq; ita Imperij Majestas ab Assyrijs
 ad Medos & Babylonios pervenit. Arbaces Medus, Assyrios & Medos
 sibi retinuit: Babylonios autem Beleso, rebellionis socio, concessit.
 Babyloniorum dehinc & Chaldeorum potentiâ in immentum penè
 auctâ, tota Imperij Majestas ad ipsos tandem transijt, in ijsq; hæsit, usq;
 ad magnum illum Cyrum Persam, qui eam, victò Dariò Medò, &
 Babylone captâ, anno mundi 3412. ante Christum natum 536. ad Persas
 translu-

riū, qvōd Persicū appellari consuevit. Verūm enim verò, qvām longè hoc primum non adæqvaverit, satis pectus & Brachia argentea demonstrant; Dan. c. 2. v. 32. Ut enim argentum non in tantō pretiō habetur, in qvāto aurum: ita & hoc imperium non æqvavit præcedens. Cū itaq; 208. annos, præter propter, durasset, ultimus ejusdem Rex Darius Codomannus, bis ab Alexandro M. Macedonum Rege victus & tandem à Bessō Satrapā suo, anno mundi 3620. antè Christum natum 328. cæsus: ē vivis abiit, occupatūq; Regnum Alexander M. in Macedonas ac Græcos transfudit, & occupatā Asiā, duodecennio totum ferme tertiarum Orbem sibi subiectum habuit. Atq; sic tertium magnum & Catholicum mundi imperium successit, qvōd Græcum appellari solet, & apud Dan. c. 2. v. 32. per ventrem & latus ex ære denotatur. Verūm, nimis maturè defunctō Alexandrō M. regnum hoc mole maximum in plures partes discerptum fuit, Seleucus enim Syriam; Ptolemaeus Ægyptum, Antigonus anteriorem Asiæ partem, Cassander Macedoniam & Græciam, alij alias partes regimini suo subjecerunt. Tandem Romani, captis omnibus illis regnis, & postremō etiam Ægypti regnō, qvōd ultimum ē Græcorum imperio restabat, anno mundi 3919. ante Christum natum 29. plenariè everso, & in Provinciæ formam redactō, totum illud Imperium occupavere, atq; ita Monarchiæ decus plenè ad se transfulerunt. Atq; hoc jam est qvartum & ultimum magnum mundi & Catholicum imperium, qvōd duraturum est usque ad consummationem seculi, sicuti Propheta Daniel expressè testatur. Denotant autem illud nobis partim *tibia ferrea & pedes ferro ac luto permixti magnæ imaginis*, Dan. c. 2. v. 40. partim *Bestia terribilis ac dura valdè, dentes ferreos habens* &c. Dan. 7. v. 7. Qvartum hoc imperij genus apud Prophetam, qvām variè varij interpretentur, nemo est, qvā nesciat. Præ cæteris Franciscus Junius in c. 2. Dan. cum Hugone Brugthono, Polano & alijs detrahare Romano Imperio hoc decus conatur, dum in allegatis textibus à Deo non statum totius Orbis omnisq; ævis, usq; ad consummationem seculi, declarari, sed tantū eum denotari statum, qvi populum Judæorum, h. e. Ecclesiam Israheliticam, ab Alexandri M. posteris oppressam, concernat, asseverat, his positis argumentis. Primò necesse esse ait, ut, si quis hæc dicta ad Romanum Imperium accommodare velit, popularem statum, cum imperio unius, de quo hic agatur, confundat. Deinde constare ait, à Rep. Romanā in Judæ-

um nihil unquam fuisse tentatum. Postremo, constituta Monarchia, sub Augusto, nihil fuisse Judæam gravius pressam tyrannide, dicitur, antequam exhiberetur Christus, quàm sub Antiochis, cum id secundum hos textus fieri debuisset. Verùm contrariam sententiam magis veritati consentaneam esse, satis constat è textu paulò diligentius inspecto, qui ad Alexandri M. posteros, & ad Reges præsertim Syriæ nequaquàm applicari potest. Prius dictum de tibijs ferreis &c. Dan. c. 2. v. 33. 40. 41. 42. 43. & seqq. quod attinet, dicitur 1. (v. 40. & seqq.) regnum illud respectu præcedentium, valde durum fore & contritum omnino: Quòd sanè de Alexandri M. posteris intelligi nequit, qui nequaquàm contrivere omnia, sed potius ipsimet ab omnibus attriti & contriti sunt, ut historiarum satis testantur. Si quis particulam, *Omnia*, ad solos Judæos & Ecclesiam Israëliticam referre velit, non video, quò jure & quàm commode id fiat. 2. Dicitur hoc regnum vel imperium unum futurum, licet nunc valentiùs, nunc infirmiùs vim suam exserturum sit. Atqui Alexandri M. regnum, in multa regna dilapsum fuit; quæ sanè unum regnum vix recte dixeris, nisi fortè respectu originis & gentis dominantis. 3. Dicitur (v. 44.) id regnum ad illud usque tempus duraturum, quò Deus Cæli suscitaturus sit regnum nunquam desitum. Atqui regnum Græcorum ultra seculum jam in Judæos dominari desierat, nascente Messia, eoquæ tempore non Græci, sed Romani, cum apud Judæos, tum alibi rerum potiebantur. Quin & regnum Christi universale plenè tandem suscitari, h. e. ex Judæis & Gentibus colligi cœpit, post Christi ad cælos ascensionem & ablegationem Apostolorum in orbem terrarum universum. 4. Dicitur (v. 45.) Regnum illud quartum eò ipsò tempore in mundo fore, quò lapis ille è monte excindendus sit, qui omnia regna sit contriturus. Atqui Græcum regnum eò tempore jam olim desierat, nec formaliter amplius in mundo erat. Ergo glossa Junij non quadrat. Posterius dictum illud Dan. c. 7, v. 7. & seqq. quod attinet, illud nihil planè ad Alexandri M. posteros pertinere videtur. Bestia enim illa, per quam quartum hoc regnum denotatur, infirmis illis ac impotentibus Græco-Asiaticis regibus nequaquam convenit. I. Ejus potestas major, terribilior, durior ac firmior omnibus præcedentibus fore prædicatur. Atqui falsum est, quod ullus ex Alexandri M. successoribus, vel Alexandro M. vel præcedentibus Monarchis, imprimis Nebucadnezare, Cyro &c. fuerit potentior, aut majora damna ac mala Judæis, quàm Nebucadnezar, intulerit. II. Dicitur

hæc Bestia omnia pedibus suis conculcatura: quod falsum de Græcis,
 qui verius conculcati fuerunt, quàm omnia alia regna conculcarunt;
 Instas, illud, *omnia conculcabis*, ad Judæos referendum: falsum: Antio-
 chus Epiphanes quidem affligebat aliquandiu Judæos: sed non planè
 conculcabat. Quin imò Judas Maccabæus & ejus fratres, multis prælijs
 victores, tandem Antiochi Successorumq; ejus Duces planè profliga-
 bant, & se in libertatem vindicabant. Qvis itaq; dicat, Judæos planè fu-
 isse comestos, comminutos & conculcatos? III. Dicitur hæc Bestia di-
 versa *ab omnibus Bestiis antegressis & decicornia*. Atqui Alexandri illi
 posterius ab Alexandro, ejusque regno diversi non fuerunt; sed fuerunt
 Græci, sanguine orti Macedonicò, in Græciâ Monarchiâ, sub Græcis le-
 gibus, moribus & ritibus Græcis imperitantes. Et unde, quæso, decem
 illa cornua Antiocho Epiphani, qui solus aliquandiu fermè contra Ju-
 dæos prævaluit? Imò major afflictio Judæis propemodum contigit à
 falsis fratribus & religionis Judaicæ desertoribus, quàm ab ipsis Regi-
 bus. Vid. libri Maccab. IV. Dicitur illa Bestia permanisse usq; ad adven-
 tum filij hominis gloriosum ad judicium, seu usq; ad finem mundi. At-
 qui ultra 1700. annos Græcorum in Judæos dominium nullum fuit, eo-
 rumq; Monarchia jam olim destructa est per Romanos, ut omnib; no-
 tissimum est. Nihil efficiet, qui Daniele, de primo Christi adventu aut
 ejusdem in cælos ascentu, interpretari volet. Etenim cùm Christus in
 carnem veniret, Maccabæi eorumq; Successores jam olim jugum Græ-
 corum à se rejecerant, eoq; tempore Judæi non à Græcis, sed à Romanis
 premebantur. II. Dicitur hæc Bestia duravisse usq; ad Filij Hominis ad-
 ventum, atq; tum etiam residui bestiarum dominatus ablati. Atqui,
 quocunq; te vertas, Græcorum dominatus ad neutrum Christi adven-
 tum usq; pertingit, nec, ipso sublato, reliqui dominatus omnes destru-
 cti fuerunt. V. Dicitur illa Bestia occisa, perditumq; ejus corpus, ac tra-
 ditum incendio ignis: quod, quo pacto de Græco Imperio, seu de Alex-
 andri M. Successoribus intelligi possit, viderint alij. Quapropter de A-
 lexandri M. Posteris atq; regno Græcorum allegatos scripturæ textus
 intelligi nec debere nec posse, satis, meò quidem judicio, evictum est.
 Dicendum jam porro esset, quàm aptè omnia ad imperium seu Monar-
 chiam Romanam congruant: verum quia illud à plurimis jam olim fa-
 ctum novimus, ad illos lectore remittimus. Vid. Patres fermè omnes,
 beatus Lutherus, præstantissimi quiq; nostri seculi Theologi & Poli-
 tici, Graerus in histor. Antichristi, & ipse Johannes Calvinus in 2. &

7. cap. Danielis. Rationes Junij & aliorum quod attinet, illæ quidem satis ingeniosæ & speciosæ sunt: veruntamen planè indissolubiles non sunt. Etenim quod hic non tantum Status Ecclesiæ Judaicæ, quatenus illa ab Antiocho Epiphane, alijs quæ Alexandri M. Successoribus, pressa & afflictæ fuit, perstringatur, ex textu satis manifestissimum esse videtur. Loquitur quidem Spiritus Dei de quatuor Summis mundi Imperijs in respectu ad Ecclesiam: verùm quòd solùm de Ecclesiâ Judaicâ agat, id vix probari posse, existimo. Quod in 1. argumento Junius confusionem Status Popularis & Monarchici in Romanò Imperio metuit, nullius momenti esse videtur. Unum idemque Romanum est Imperium, sive populariter sive Monarchicè administraretur, nec quando ejus Status seu administrationis modus mutatur, ipsum statim imperiũ mutatur, sed semper unum idemque manet. Quod in 2. argumento dicitur, Judæos nihil circa primum Christi adventum à Romanis passos esse, fallum est: contrarium loquuntur Histor. Vid. Josephus. Quod autè illa mala, authoribus ipsis Judæorũ principibus dissentientibus, Reip. Judaicæ illata sint, parum sublevar. Posset idem quoque dici de malis sub Antiocho Epiphane, alijsque Græcis Regibus acceptis, qui itidem à sceleratis & perfidis civibus exstimulati Judæam affligerunt. Quid? Propheta non præcisè de statu Ecclesiæ & Reip. Judaicæ ante & circa Christi adventum, sed de eodem, usque ad totalem illius everisionem & excisionem, quam, authoribus Romanis, non Græcis, annis, post Christi in cælos ascensum 40. præter propter perpeffa est, loquitur. Unde sic argumentamur. A quibuscunque Resp. Judaica plurimùm mali accepit, miserrimè afflictata, conculcata, tandemque planè everfa & deleta est, de illis hic loquitur Daniel, ut & textus perspicuè ostendit, & collatio aliorum scripturæ locorum Dan. 9. v. 27. Matth. 24. v. 15. Marc. 13. v. 14. Luc. 21. v. 20. 21. 22. 23. 24. evincit. Atqui non à Græcis, sed Romanis, in consummatione sui illa hæc omnia perpeffa est, ut extra omnem est controversiam. Ergo non de Græcis Daniel, in citatis locis, sed de Romanis loquitur, atque ita per illud Regnum & Bestiam terribilem Romanorum intelligitur Imperium, quod erat demonstrandum.

QVÆSTIO II.

*Utrum Romano-Germanicum Imperium sit Monarchicum
non Aristocraticum.*

STatum uniuscujusque Reip. vel Monarchicum, vel Aristocraticum;
vel

vel Democraticū vel aliquid ex his mixtū esse, communis omnium Politicorum est assertio. Schönb. l. 5. Polit. c. 1. p. 475. Non immeritò ergo quærimus, quænam & qualis hujus nostri Romano-Germanici Imperij sit administratio, & ad quam speciem seu formam referri possit ac debeat. Diversæ verò & pugnautes hinc Politicorum sunt sententiæ. Bodinus lib. 2. de Republ. cap. 6. Aristocratiam evicturus hæc profert argumenta. 1. Ad quos suffragiorum jus pertinet, iidem majestatis jura imminuunt, atque in se transferunt. Ad creatores Imperatoris jus suffragiorum pertinet. E. 2. Cuicunque feruntur leges, ille non est summus Monarcha. Romano Imperatori à principibus Imperij leges feruntur. E. 3. Quicunque solus leges universales ferre non potest, ille non est Monarcha. Imperator Romanus leges universales ferre non potest. E. 4. Penes quos est jus belli ac pacis decernendæ, illi jura majestatis habent. Constans enim Politicorum & ICtorum est sententia, infallibile signum esse absolutæ ac summæ potestatis, belli decernendi ac indicendi jus. Penes proceres Imperij, Electores præsertim, est jus pacis & belli decernendi ac indicendi: quia inconsultis proceribus, intra vel extra fines Imperij, Imperator bellum suscipere non potest, juxta Capitul. formul. Sleid. l. 1. E. 5. Quicunque privatus est majoribus regalibus; ut sunt, exigere vestigalia, erigere telonia, imperare tributa; ille non est Monarcha. Imperator hisce privatus est: nihil enim horum potest, inconsultis proceribus, juxta capitulationis formulam. Sleid. l. 1. E. 6. Creatio summi Magistratus, majestatis proprium est. At judices cameræ Imperialis, atque proceres imperij creandi potestatem habent. E. 7. De cujus famæ & fortunæ ab alio cognoscitur, ille non est Monarcha. De Imperatoris famæ & fortunæ judices cameræ Imperialis cognoscunt. E. 8. Quicunque est summus Monarcha, is Duces, Comites & Barones creare potest; ipse autem, quia neminem mortalium superiorem agnoscit, à nullo creari potest. Imperator Romano-Germanicus à Ducibus & imperij proceribus creatur. E. 9. Majestas est summa in cives & legibus soluta potestas. Imperatoris Romano-Germanici potestas non est summa nec legibus soluta; quia proceres Imperij superiores sunt, cum quod Imperatori in comitijs leges ferunt, tum quod constituendi & destituendi Imperatorem potestatem habent. E. 10. Potestas precaria, licet magna, summa tamen potestas non est. Bod: li. 1. c. 8. Imperator Romano-Germanicus summæ potestatis jura habet precario. Status enim seu proceres Imperij eam revocare & Imperatorem deturbare de throno possunt.

no possunt. E. 11. Si penes Imperatorem esset Majestas, Imperij principes essent Imperatoris fiduciarij. Atenim post inauguratum Imperatorem non Imperatoris sed imperij sunt fiduciarij. Bod. l. 2. de Rep. c. 6. E. 12. Cui Majestas competit, eidem & summa competit provocatio: hæc enim summæ Majestatis particula est. Bod. l. 1. c. 10. Sed Imperatori non competit summâ provocatio: provocator enim ad Cæsam Imperij. E. 13. Qvicumque alterius est tributarius, ille jura Majestatis non habet: tributi enim præstatio est subjectionis probatio. Imperator est tributarius Sultani Turcici. E. 14. Accedunt huc gravissimæ auctoritates virorum Reipubl. Germanicæ peritissimorum. 1. Maximiliani I. qvi habitâ ad ordines Imperij oratione, coronam imperialem à Romano Pontifice accipere minimè necessarium sibi videri dicit, *cum Imperij Majestas in ipsis ordinibus inesse intelligatur*. 2. Archiepiscopi Moguntini apud Sleid. lib. 1. ad annum Christi 1519. pag. 12. qvi expressè testatur, *fortitudinem Galli ad Monarchiam spectare: Germanis autem inprimis Aristocratiam esse retinendam*. Hæc verò non obstantibus, contrariam sententiam veritatem, sanctiorem & humaniorem omninò esse putamus, idq; sequentibus potissimùm freti argumentis: 1. Imperium Monarchicum est, qvando jura Majestatis & summæ potestatis penes unum resident Bod. l. 2. de Rep. c. 1. Atqvi Majestatis jura resident penes unum ac solum Imperatorem. E. Assumptio probatur: Qvia majestas est summa in cives, & legibus soluta potestas in subditos. Bod. l. 1. de Rep. c. 8. Talem potestatem habet Imperator: Populus enim, latâ L. Regiâ, omne imperium & potestatem in eum contulit. Arum. in discurs. ad aur. Bull. II. qvi hodieq; ab omnibus regibus & populis, tam fidelibus, qvàm infidelibus, summus Monarcha salutatur, habetur & colitur, is etiam verè talis erit. Imperator à populis tam fidelibus, qvàm infidelibus summus Monarcha salutatur, habetur & colitur. E. verè erit. III. summus Monarcha ille dicitur, qvi nullius imperio tenetur, & cæteros cives tam unversos, qvàm singulos coercere potest, definitore Bodino l. 2. de Rep. c. 2. Primum definitionis membrum optimè Imperatori nostro Romano-Germanico convenit: Qvia nullus tenetur imperio, & neminem, nisi DBUM & ENSEM, Arum. disc. ad aur. Bull. agnoscit superiorem. Secundum membrum Bodinianæ definitionis itidem optimè convenit Imperatori nostro: qvia non solum omnibus & singulis imperat, sed etiam omnes & singulos coercet, in omnes & singulos animadvertit. Unde IV. sic colligimus: Qvi

omnibus & singulis Imperij civibus, non tantum simpliciter, sed etiam ex plenitudine potestatis imperat, ille est summus Monarcha. Bod. l. 2. de Rep. c. 2. Imperator omnibus & singulis ex plenitudine potestatis imperat. E. V. Si imperator omnium statuum & Procerum Imperij est Dominus Clementissimus, utiq; omnium etiam supremus, & summus magistratus est. Sed verum prius. Ergo & posterius. VI. Cui omnes & singuli Obedientiam & Subjectionem, tanquam Domino & summo magistratui, debent, is utique omnium, ex natura Relatorum, est supremus, & jura majestatis, quæ cum Superioritate summa converuntur, habet. Atqui omnes imperij Status ac Proceres Imperatori, tanquam Domino ac summo magistratui, obedientiam ac Subjectionem debent, & *sue Majestatis*, sine hæsitacione, *subjectissimos* se omnes, in subscriptionibus literarum ac supplicationum, ulterò fatentur. E. VII. Homagium præstare nihil aliud est, quàm subjectionis, & obedientiæ juramentum præstare. At principes & status imperij præstant imperatori nostro Homagium, non tantum fidelitatis sed etiam subjectionis. E. IIX. Ad majestatem pertinet fidelitatem & obsequiũ, sine cujusquam exceptione, recipere. Principes & Proceres Imperij nostri Romano-Germanici, imperatori nostro præstant obsequium & fidelitatem, sine cujusquam exceptione, ut videre licet ex formula Juramenti. E. Hisce firmissimis argumentis evidentissimè probatum & demonstratum est, Imperatoris potestatem summam esse; legibus itidem illam solutam esse, in contrariorum argumentorum resolutionibus demonstrabim⁹. Resp. itaq; ad majorem primi argumenti, 1. illam non esse universaliter veram: nec enim perpetuò id ipsum accidit. Qvin & à positione unius facti non sequitur positio alterius. 2. Argumentum desumptum esse à merè contingentibus, de quibus non est certa & determinata veritas. 3. Illationem esse facti, quæ probanda est. Nam quæ facti sunt, non præsumuntur, nisi probentur. At ipse Bodinus fatetur, quòd, quando Principes jura suffragiorum in se transtulerint, scripserit nemo. E. primus scriptor erit Bodinus. Distingvendum quoq; semper in hac quæstione est, 1. inter imperij Romani statum, & inter ejusdẽ administrationem: Ille Monarchicus est: hæc harmoniam quandã administrationis mixtæ habet. Atqui administrationis mixtæ harmonia status simplicitatem nequaquam tollit. Vin⁹ Exemplum? Paterfamilias, quatenus toti imperat familiæ, regiam sustinet dignitatẽ: quatenus cū uxore de familiã consultat & disponit, Aristocraticus est; fratrum deniq; æqualitas De-

mocrati-

mocratiā repræsentat. Sicut verò Paterf. dum leges familiæ, ex consilio & consensu uxoris, præscribit, eamq; sic administrationis seu gubernationis participem facit, & cum filiis operatur in commune bonū, se non spoliāt suā auctoritate & supremā dignitate: Ita imperator, etsi eum communicato Procerum consilio agit, eorumq; suffragia admittit, non tamen supremā dignitate & potestate se exuit, aut majestatem, quæ respectu status ipsi convenit, cum illis communicat. Quod satis exinde liquet, quòd Comitia Imperij, absente Imperatore, in effectum deduci non possunt. 2. Inter Imperatorem constituendum & constitutum. Hic jam, postquam omnis in ipsum translata est potestas, solus habet Majestatem, omnesq; status ac principes homagium & juramentum fidelitatis ei præstare coguntur, ipsi etiam Electores: Ille, quia imperium non hereditariū, sed electitium est, nondum Majestatem habet, sed eam ab electoribus, seu imperij ephoris, nomine ordinum & statuum imperij, per electionis actum consequitur. Resp. ad 2. 1. Limitando majorem hoc modò: Cuicunq; feruntur leges, tanquam à superiori, seu ab eo, qui ipsemet majestate coruscus, ex se & per se, potestatem ferendi leges habet, atque ita *αὐτοκράτωρ* est, ille non est monarcha. II. Minorem ex majori ita illatam præcisè negando. Quando enim 1. in Electionis actu, per Capitulationem, ad certas leges fundamentales fit obligatio, tunc electores non, ceu superiores, ferunt leges, sed, ceu ephori imperij, ordinum ac statuum nomine, pro more imperij, leges antea latas proponunt, ut, ante factam electionem, in illarum ratihabitionem & observationem fiat promissio. 2. In alijs conventibus imperij proceres non ideo ad comitia convocantur & conveniunt, ut imperatori leges ferant, sed ut, proponente ac præsidente imperatore, tanquam summo capite ac domino, de rebus ad tranquillitatē & salutem imperij pertinentibus, unā cum imperatore consultare, deliberare & concludere possint. Si verò communi imperatoris & statuum suffragio leges in comitijs constituuntur, ijs quidem imperator noster Romano-Germanicus, si publicum statum concernant, postea, tanquam ex contractu, ipse obligatur, verū alieno imperio, ceu superiori, nequaquam constringitur. Aliud itaq; est, legibus obligari ex conventionē, aliud ex imperio. Paur. de Jurisd. l. 2. c. 2. num. 31. Resp. ad 3. circa majorem; ad essentiam majestatis non pertinere leges concernentes universum Reip. statum, pro lubitu ferre. Nam licet hæc cum consilio & suffragio Procerū ferantur; majestatem tamen

non absorbent, præsertim si summus Princeps ex mutuo statuum conventionione ad id obligetur. Qvin imò in omni Monarchia debet esse ejusmodi obligatio: ut in alijs qvoq; regnis, Galliæ, Hispaniæ, Daniæ, Sveciæ &c. videre est. Resp. ad 4. circa min. Penes Proceres non esse potestatem belli & pacis indicendæ ac decernendæ. Quia hæc potestas majestatis & supremæ potestatis symbolum est: ideoq; in crimen læsæ majestatis incidit, qvi bellum in imperio Romano, contra pacis publicę ordinationem, sine indultu imperatoris movet. Nec subsumtionis adducta probatio hoc ostendit: non enim sequitur, imperator non potest, inconsultis Proceribus imperij, de rebus imperij bellum suscipere. E. Penes proceres est hæc potestas. Si enim non potest ijs inconsultis: E. consultis potest. Quamobrè statuum consensus in bello decernendo majestatem imperatoris non tollit, sed æquitatis & moderatæ rationis condimento temperat. Ad 5. eadem quadrat responsio. Imperator n. ordinum consensu exigit vectigalia atq; erigit telonia, nec ordines in suis dirionibus, sine imperatoris consensu, vectigalia erigere possunt. Resp. ad 6. Imperatorem Romanum adhuc hodie summus magistratus creare. Solus enim Imperator Reges creat, inq; imperio Romano Duces, Marchiones, Comites & Barones, qvi sanè summi, post Principem, in imperio magistratus sunt. Qvod verò cameræ judicium attinet, non propriè illud Magistratibus Romanis, quorum creatio olim populo reservabatur, assimilatur. Unde nec cameræ magistratus, sed cameræ judicium dicitur. Deinde in ipsâ cameræ institutione, potissimas partes imperator obtinet. Ille siquidem solus hujus judicij caput, videlicet ipsum judicē constituit, qvi vel Princeps, vel Comes, vel Baro esse debet. Qvin imò Imperatoris nomine, autoritate & sigillo, omnia mandata pœnalia & alij processus expediuntur. Unde in Supplicationibus alijsq; scripturis & Productis solus Judex, præmisso honoris titulo, appellatur: **Römischer Kayserslichen Majestät Camerrichter/** etc. Et ipsum judicium Cæsareæ Majestatis judicium passim dicitur: **Ihrer Majestät Cammergericht/** item, **daß Kaysersliche Cammergerichte/** item, **der Römische Königlich Majestät Cammergericht** etc. R. ad 7. Bodini argumentū, non refutatione dignum illud esse. Qvis enim unquam, nisi jurium imperialiū omnino ignarus, affirmare ausit, camerā de Imperatoris famâ, capite ac fortunis omnibus judicare posse. Verūm videtur Bodini sententia adhuc confirmari exinde, quod extent præjudicia cameræ, ex quibus apparet, imperatorem ali-

rem aliquando in camerâ citatum: sed facilis ad hoc responsio: Quia citari & conveniri fortè posset imperator in camerâ, non tanquam imperator, sed tanquam Archidux Austriæ, vel alius imperij Princeps, quod non absurdum, cum eadem persona diversis qualitatibus prædita, pro diversa habeatur, diversoq; jure censeatur. Sed posito, quòd fortè Imperator in camera conveniri possit: non tamen propterea ejus majestas statim exisset & evacueretur. Nam & Rex Galliarum, teste ipso Bodino, in Parlamento conveniri potest, quem tamen nemo ideo majestate Regiæ orbare audebit. Resp. ad 8. calumniosam illud argumentum continere illationem. Quis enim unquam tam ignarus rerum, cui sit ignotum, Imperatorem Duces, Comites, Barones Nobilesq; creare posse, & ex eo, tanquam fonte perenni, nobilitatis horum dignitatem originaliter ac radicaliter profluere? Nec quicquam obest, quòd ipse Imperator à Ducibus creetur. Creatur quidem, sed diversimodè. Non enim ab omnibus imperij ducibus, sed à solis Electoribus, tanquam summum caput, creatur. Arum. disc. ad aur. Bull. Duces verò ac Comites ab Imperatore, tanquam pia & subjectissima illius capitis membra, creantur ad sustentandam ac declarandam Imperatoris & imperij Romani Majestatem & dignitatem. Sicuti enim liberâ & florente Republ. populus Romanus Regem esse jubebat, sic posteriore ævo Princeps, Dux, Comes existit, quem Imperator talem fecit. Schonb. l. 5. Polit. c. 15. Deinde Electores Imperatorem non ex gratiâ & puræ voluntatis libertate constituunt, sed ex officij necessitate & jurisjurandi religione, quâ, vacante imperij sede, ad eligendum novum Imperatorem obstringuntur. Aur. Bull. tit. 1. Maximum deniq; discrimen est inter creationem seu electionem Cæsaris semper Augusti, & inter creationem Ducum & Comitum, quæ nihil aliud est, quàm novæ saltem dignitatis, Majestati subjectæ, collatio: cum illa sit plenitudinis, majestatis ac superioritatis in imperio in electum collatio. Est itaq; argumentum à baculo ad angulum. Resp. ad 9. Quod Imperator Romanus summam habeat potestatem, supra probatum, illaq; falsa Bodini hypothesis; *Quod proceres imperij in comitijs Imperatori leges ferant; satis refutata est.* Alteram hypothesein quod attinet, *de legibus soluta potestate;* quam pariter Imperatori nostro denegat Bodinus; Imperatorem nostrum legibus solutam potestatem habere, tam certum, quàm quod certissimum esse dicimus. Neq; contrà facit quod Imperator in quasdam imperij leges fundamentales jurare tenetur. Nam hæc legibus

Principem solvere, quibus imperij dignitas, Resp. status ac solus continetur, quid aliud esset, quam Imperatorem & imperium pessumdare? Anomala isthæc esset Majestas, & non Regia, sed bestialis potestas, sine modo, lege & ratione, pro lubitu summa imis miscens, neq; ad Monarchiam, sed ad dominatum illegitimū & tyrannidem pertinens. Deinde ex ipsa Monarchiæ definitione Bodini; *Monarchia est, ubi unus rerum summâ positur & certis legibus imperat*; colligimus Imperatorē nostrū verē esse Monarcham, eū & ipse certis legibus imperet. Neq; ex tertia hypothēsi, quam in sequenti argumento examinabimus, aliquid cōsequitur. Resp. ad 10. negando, Imperatorē jura Majestatis habere precariō, & ad nulum Procerum; uti & illud, quod Proceres imperij pro lubitu Imperatorem deponere possint. Quōd enim Electores Imperatorem deponere possint, illud non regulati, sed irregulari jure evenit. Nam Electores & Proceres Imperatorem legitimē in regimine constitutum deponere non posse, veriū est, quā ut ullā probatione indigeat. Post electionem functi sunt officio suo Electores, ac Imperatori majestatem imperij contulerunt, fasces submiserunt, fidelitatis & subjectionis juramento ad obedientiam & observantiam se obstrinxerunt. Itaq; pro lubitu eundem deturbare non possunt. Si verō talis imperator, qui fundamentales imperij leges violat, datam fidem neglgat, non tanquam imperator, sed ut fidei ac juris temerator remouetur. Atq; ita non tam Electores deponunt imperatorem, quā is se metipsum deponit; non adimplendo eas condiciones, quibus majestatis plenitudo ipsi collata est. Quid? non solum in Romano-Germanicō imperiō istiusmodi depositionum exempla habentur, sed in ipsa etiā Galliâ, alijsq; regnis fermē omnibus, quibus ab ipso etiam Bodino, majestas ac potestas Monarchica tribuitur, sicut historiarum annales satis testantur. Dicimus ad 11. Bodinū evidenti veritati evidenter convitium facere. Certum namq; est imperatorem solum habere potestatem de majoribus feudis, regalibus ducatum, investiendi & cognoscendi &c. Itaq; illi & ipsius erunt Vasalli & imperij. Deinde notū est, quōd juramentū fidelitatis imperatori & imperio præstent omnes imperij principes. Itaq; non solius imperij, sed & Imperatoris & Imperij erunt fiduciarij. Resp. ad 12. ex ipso Bodino, qui lib. c. 10. p. 243. extremam provocatiōē non pertinere ad jura Majestatis asserit. A lege autem illâ, quā à Camera imperialis sententia appellare aut supplicare nefas est, Ordin. Cam. p. 3. tit. 51. Imperator, cum per modū con-

ventionis lata sit, solutus non est, nec contra eam aliquam supplicationem vel provocationē à Camera judicio recipere potest. Datur tamen aliud hac in parte remedium, videlicet REVISIONIS, de quò latè in ordin. cam. p. 3. tit. 52. Deinde camera est uti vicaria Imperatoris Jurisdictionis. Jam verò appellatio non datur à vicario ad eum, cujus est vicariu, cum utriusque tribunal idem sit. Deniq; camerae judicium subsidiariu est, nec adimit in totum imperatori provocationis jus, cum ex receptâ Dd. sententiâ, is concurrentem cum camerâ habeat jurisdictionem. Resp. ad 13. ex hoc quod imperator certam pecuniam seu annuam pensionem exsolvit Turcico imperatori, propter tranquillitatem & pacem publicam, ne milites ejus excursionibus & vastationibus, regionu suarum finibus damnum inferant, majestas ejus non patitur naufragium: cum enim propter fœdus cum hoste percussum detur, non est, satente ipso Bodinò l. 1. de Rep. c. 9. p. 224. tributum, sed pensio. Quid? nec nomine Romano-Germanici imperij datur hæc pensio, sed respectu regni Hungariæ, quod ad imperium non pertinet. Et si hinc Majestas Imperatoris nostri detrimentum aliquod caperet, nec ipse Turcarum Imperator illius particeps esset, Regi Æthiopum, & illis populis, qui Arabiæ montes tenent, magnam pecuniam, tributî nomine, quotannisolvere cogitur. Resp. ad 14. 1. Maximiliani I. auctoritatem quod attinet, ea nos non ferit. Loquitur imperator de imperatore constituendo, non constituto, quod nimirum Majestas, defuncto imperatore, & vacante imperio, ad proceres imperij, seu ipsum imperiû, relabatur, nō ad Pontificem: ideoq; à Proceribus imperij, non à Pontifice Romano in novum Principem seu imperatorem conferatur. Non itaq; Maximilianus imperator vel sibi, vel aliis suis successoribus Majestatem adimit, sed eandem à sacrilegiò Romanorum Pontificum liberat. 2. Nec Archiepiscopi Moguntini auctoritas sententiam nostram evertit. Etenim loquitur is non de statu imperij, qui semper est & manet Monarchic⁹, sed de administratione, quæ licet status Monarchicus maneat, Aristocraticè tamen fieri potest. 3. Appellatur Aristocratiā nō absolute & *κατὰ τὴν φύσιν*, quod ex toto sit Aristocratiā, sed comparatè & *κατὰ τὴν ἀπορίαν*, quod nimirum respectu aliorum regnorum, quæ absolutum dominatum experiuntur, multum temperamenti Aristocratici habeat. Quid? si imperiû Romano-Germanicum esset pura puta Aristocratiā, quid opus esset electione imperatoris, ac tali quidem, quâ plenitudo potestatis ac Majestatis in ipsum conferretur. His itaq; argumentis resolutis, & destructis Imperi-

um Ro-

um Romano-Germanicum verè manet Monarchicum, quod erat demonstrandum.

QVÆSTIO III.

Utrum summa Imperij Romani sit præeminentiâ.

IN præcedente quæstione, statum imperij Romano-Germanici Monarchicum esse, Majestatemque ac summam potentie plenitudinem Imperatori, seu summo ejusdem capiti, verè competere demonstratū est: firmis nunc porro rationibus, ejusdem cum Imperatoris, tum Imperij summam quoque esse præeminentiâ, ostendendum. Ad quod non parum momenti, meo quidē judiciō, habebunt sequentia argumenta.

I. *A status & conditionis qualitate.* Imperium Romano-Germanicum non solum est unum ex quatuor illis summis & Catholicis mundi imperijs seu regnis, quæ Deus ipse eximius prærogativæ encomiis in verbo suo exornavit, & supra omnia alia mundi regna sublimavit: sed ipsis etiam longissimè antecellit: cujus Deus per Prophetam Dan. c. 2. v. 48. & c. 7. v. 7. magnam & cum ævo duraturam felicitatem ac potentiam prædixit, ut supra quæst. I. satis probatum. II. *Ab antiquitatis præcellentiâ.* Quò quid antiquius est, cō in genere suo censeatur nobilioris dignitatis ordine. Nullum autem in universo terrarum orbe regnum antiquius est Romano imperio, quippe cujus origo ex Trojano emerfit excidio, juxta Veneris apud virgilium *Aneid.* I. effitum:

*Certè hinc Romanos olim, volentibus annis,
Hinc fore ductores, revocato à sanguine Teucri,
Qui mare, qui terras omni ditte teneant,
Pollicitus.*

Et paulò post:

*His ego nec metas rerum, nec tempora pono:
Imperium sine fine dedi.*

Nihil hic dicam de Coriti-Jamigenis & Aboriginibus, qui statim post universale mundi diluvium, teste Beroso regnarunt, & aquila Romanæ prima incunabula præbuerunt. Vid. inter alios Johannes Henricus Alstedius *Encyclop.* I. 18. *System. Polit.* 2. c. 18. p. 2643. III. *Ab urbis Roma Majestate & præeminentiâ.* Roma est, a qua imperium nostrum denominationem, robur ac incrementum suum accepit, quæ orbis terrarum Domina & Regina multis retrò seculis credita ac habita est. *Bod.* I. 1. de *Rep.* c. 9. Unde & Lipsius de magn. Rom. I. 1. c. 2. *Romam* vocat

eat *Mundi caput, mundi miraculum*. Ludovicus IV. Imperator usus fertur, in sigillo suo, hac inscriptione:

Roma caput mundi regis orbis frena rotundi.

Fabulantur Poëta, diu quæsitum esse:

- - - - *quâ tandem poneret arce*

Terrarum Fortuna caput.

Et visum superis tandem, nil posse huic rei aptius Româ inveniri. Unde iste vulgaris versiculus originem traxit:

Roma locus dignus, quod Deus omnis eat.

Et illud Virgilij in Bucol. Ecl. 1. de Urbis Romanæ magnitudine encomium:

Verum hæc tantum alias inter caput extulit urbes,

Quantum lenta solent inter viburna cupressi.

IV. *A felicitate & incredibili firmitatis præstantiâ.* Siquidem felix Romanorum genus omnibus anteponitur nationibus, & supra omnem omnium regnorum ac imperiorum magnitudinem ascendit splendore, & quod proprium ejus est, Majestate. Heins. orat. 10. Firmitas ejus spectatur in munitionibus per Copias & Colonias. Copiæ in universum terrestres & navales erant supra quadringenta millia ordinariorum militum. In Provinciis quippe copiæ legionum, cohortium & alarum non pauciores fuerunt ducentis quinquaginta millibus, aut circa. In classibus hæut pauciores centum millibus, cum militum, tum remigum. *Terrestres copię* duplices erant: *Provinciales & Urbana*. Provinciales ferme disponebantur in locis longinquis & limitaneis, quo miles subditis minori esset oneri, in hostes maximo usui. Pauca disponebantur in locis interioribus, in oppidis videlicet magnis & validis, ideoq; motui & rebellionibus obnoxii: *Urbana copia* sedem suam habebant Romæ sine duplici: cum ut Principem in eâ tuerentur, tum ut essent pro Urbe. Erant ibidem milites Prætoriani, divisi in novem cohortes; Evocati, qui erant equestris ordinis juvenes, cubicularij & Batavi. Erant cohortes *officiales & ministeriales*: illarum erat noctu excubare, ac stationes agere contra grassatores & sicarios: harum, tueri urbem adversus incendia. *Navales seu classica copia* piratas cohibebant & hostes excludabant: erantq; vel Mariumæ vel Fluviales. Illarum duæ majores dicebantur *Prætorie*: duæ minores simpliciter dicebantur *classes*. Harum prima (Germanica dicta) in Rheno, altera in Danubio, tertia in Eu-

phrate constituta. Colonias seu novas urbes, ex urbe Roma profectas Onuphrius lib. 3. descript. Imperij fol. 346. intra Italiam recenset 98. ijsq; in subseq. adjicit insuper 64. Extra Italiam longè plures, quæ videantur ibidem fol. 464. & seqq. Erant etiam plurima municipia, quæ recensentur ibidem fol. 354. Ne quid dicam de innumeris. fermè Provincijs atq; regnis, quæ in immensum penè augebant imperij robur ac potentiam. V. *Ab amplitudine finium, opum item, ac operum magnitudine.* Fines Romani Imperij sub Augusto erant ab Oriente Euphrates: à meridie cataraçtæ Nili, deserta Africæ & mons Atlas: ab Occidente Oceanus: à Septentrione Danubius & Rhenus. Sub successoribus termîni longè fuerunt majores, accesseruntq; ne pluriû mentionem faciam, sub Claudio, Britannia, sub Trajano, Arabia, Armenia, Mesopotamia, Dacia &c. Lautissimæ, lætissimæ & latissimæ provinciæ erant, *in Asiâ*, Colchiæ, Iberia, Albania, Pontus, Bosphorus, Cappadocia, Galatia, Bithynia, Armenia, Syria, Arabia, Palæstina, Cilicia, Pamphilia, Lydia & Asia minor. *In Africâ* Egyptus, Cyrenaica, Marmarica, Gætulia, Africa propria, Numidia, Mauritania, aliarq; Provinciæ minores. *In Europâ*, Italia, Hispaniæ, Galliæ, Inalpini, Rætia, Noricum, Illyricum, Macedonia, Epirus, Græcia, Thracia, Mæsia, Dacia, Pannonia &c. Næ amplitudo omnem fermè terrarum orbem complexa! Verùm hic Heinssii effatum: *Nullum regnum huic magnitudine comparari potuit. quod splendore & potentiâ terrarum fines egressum est.* Magnitudo opum verbis, numeroq; fermè comprehendi nequit. Vid. de ijs breviter differens Alstedig in Encyclop. l. 18. Syst. Polit. 2. c. 18. p. 2647. Operum quoq; magnitudinem & multitudinem videsis ibid. in subsequente. VI. *A virtute Romanâ*, cui nihil nimis arduum, difficile & insuperabile fuit, cuiq; fermè omnia mundi regna & ferocissimæ quæque gentes ac populi colla superba subdiderunt. Vid. Romani Historici & Alst. loco cit. VII. *A Majestate populi*, in quem tandem Romanum imperium translatum, nimirum GERMANORUM, de quibus Bodinus urgente veritate coactus, in meth. hist. c. 5. hæc publicè proficitur: *Germani, inquam, humanitate Asiaticis: militari disciplinâ Romanis: religione Hebræis: Philosophiâ Græcis: Geometriâ Egyptijs: Arithmeticâ Phenicibus: Astrologiâ Chaldaicâ: opificiorum varietate populi omnibus facîle superiores videntur.* Vid. Cajus Cornelius Tacitus de moribus Germanorum & alij. IIX. *A tacito omnium Regum ac populorum consensu*, qui ad Imperij Romani fastigium, tanquam summum honoris cul-

culmen ambitione anhelarunt, & Aquilæ Romanæ plumis se exornare desiderarunt. IX. *Ab ipsius Imperatoris Turcici, hereditarij & insensibilis Imperij Romani & totius Christiani orbis hostis, testimonio.* Hic enim Imperatorem agnoscit præcipuum Christiani orbis caput, & usitato stylo tali dignatur titulo: **Auß den Potentaten Jesu der fñhrnemster / vnd zwischen dem Geschlechte Jesu erwøhleter fñrnembster** &c. Nec id solum verbis, verum etiam re & factò declarat. Si quidem missi ad Turcam Romani Imperatoris Legati, præ aliorum Principum Legatis, primum locum occupant, nec stando, ut aliorum Principum Legati, sed sedendo mandata sua coram Sultanò exponunt. *Arum. de Jure publ. disc. 1. X. Maximè præminentiam Imperatoris auge, quod Imperator Romanus multorum Regum existit creator.* Henricus V. Imperator Uratislaum Ducem Bohemiæ regio titulo exornavit. Duhr. l. 9. Otto III. Boleslao Acri Poloniæ Principi summa regij culminis axiomata contulit. Neq; hîc audiendi, qui dicunt, primò, quòd Reges in suo regnò majorem habeant potestatem, quàm Imperator in imperiò. Deinde, quòd Christus, Joh. 8. Rex, non Imperator appellatus fuerit. Tertiò, quòd asserente Zoanetto, Imperij Romani vertex & cerebrum sit Pontifex. Quartò, quòd alia regna longè sint ampliora & potentiora, quàm Romano Germanicum; veluti Turcicum, Hispanicum & alia. Facilis namq; harum objectionum est resolutio. Ad I. Resp. Si intelligitur de potestate iniquitatis, facillè concedimus, secus, si de plenitudine Majestatis & supremæ dignitatis, cui omne regnum meritiò cedit. Quid? & hoc regerimus, quòd Imperator creare potest Reges, quòd utiq; Rex alius non potest: quippe qui sibi non creat parem. Ad II. Resp. I. Quòd Christi regnum non fuerit de hoc mundo. II. Quòd dictus fuerit Rex more Judæorum, qui Regem proprium habuerunt, antequam sceptrum de Judà ablatum esset, Imperatorem nunquam. III. Acceperamus hoc argumentum, & ita inferimus: Christus fuit Rex, & tamen in temporalibus subjectionem & tributum Imperatori non denegavit; idem ergò & alios Reges facere decebat. IV. Omnis Imperator etiam Rex est; quia priùs in Regem Romanorum eligitur, quàm in Imperatorem; verum non contrà. Aur. Bull. tit. 2. Ad III. Resp. præjudicio, quòd omne tollit judicium, laborare Zoanectum, neq; facere ipsum potuisse, quin, exemplo Baldi, in ditionibus Pontificem pro numine colentibus, hanc sententiam defenderet. Ad IV. Resp. I. Summum Imperij axioma non esse æstimandum ex regno-

rum quantitate, sed ex jure partim successione, partim gubernationis. Schönb. lib. 5. Polit. c. 5. p. 491. II. Distingvendū esse inter Imperium Romano-Germanicum & Regnum Germanicum. III. Statum quantitatis esse vel amplitudinis vel Majestatis: ibi Physicam, hinc Politicam quantitatem spectari,

QVÆSTIO IV.

Utrum Romani Imperij ad Germanos translatio, ac primum quidem ad Francos; hinc ad Saxones, Papa Romano, tanquam causa principali, adscribenda.

Bodinus in eò totus est, ut contendat Romanum Imperium à Græcis ad Gallos translatum esse; hoc, ut obrineat, Carolum M. natione Gallum, non Germanum fuisse, l. 1. c. 9. asserit. Refert autem, Carolum M. natione Gallum in Germaniam quidem migrasse, sed inde in Galliam rediisse, & Germanis Francis stipatum, jure belli, Italiæ dominium nactum esse. Verùm Bodini opinionem esse falsissimā pater exinde, quòd nostro quoque idiomate diversissima sint, **Franci & Francones**. Deinde non tantum ex historicis pater, Carolum M. natione fuisse Germanum, verum etiam ipsius patrem Pipinum; de quo constat, quòd in Franciâ Germanicâ ortus & educatus fuerit: quomodo & quâ ratione in Galliam venerit, & sub Hilderico, Gallorum Rege, major domus, atque deinde Rex Gallorum factus fuerit, vid. histor. Regino l. 3. Guaguinus l. 4. c. 1. & seqq. Æmilii Veronensis rerum Francic. l. 2. Sigebertus in Chronico. Eginhardus in vitâ Caroli M. Jacobus Himphilingius tract. sing. cui titulus, Carolus M. Germanus. Carolus Sigonius de regno Italiæ l. 3. circa finem, & l. 4. p. 143. & seqq. Sleidanus de quatuor Monarchiis l. 3. à princ. Flaccius Illyricus, Franciscus Junius, Henningus Arniszus, Dresserus de translatione imperij ad Germanos, & alij longè plures. De Carolo M. filio Pipini, Francorum & Gallorum Regis, ex prædictis authoribus manifestè constar, eum natione Germanum fuisse. Nam Germanico idiomate Grammaticam conscripsit, Crantz. l. 2. c. 8. rer. Saxon. & cætera omnia linguâ Germanicâ peregit. Falsò ergo asserit Bodinus, Franciam nostram Germanicam partem fuisse regni gallici, & Imperium Romanū Occidentale à Græcis non ad Germanos, sed ad gallos translatum fuisse. Falsissimè porro Pontificij, in ijsq; Bellarminus, & Baronius præcipuè translationem imperij ad Germanos, Papæ Romano, tanquam causæ principali, adscri-

scribunt, quorum rationes hæ sunt. 1. Leo 3. ex gratiâ, ob multa Germanorum merita, Carolo M. Imperium Romanum donavit. 11. Idem Pontifex Carolum M., sicut & alios sequentes Imperatores Germanos, sequentes Pontifices coronarunt, ut patet ex historijs. 111. Ex literis Pontificum ad Imperatores hoc manifestum est. Sic enim Adrianus IV. ad Fridericum I. Imperatorem scribit: *Scire ipsum debere, quod, quo jure Papa à Graci Imperium ad Germanos transtulerit, eodem jure quoque idem Germanis rursus ereptum Graci restituere possit.* Vid. inter alios Johannes Aventinus Annalium Bojorum l. 6. fol. 506. Hinc Bonifacius sic scribit: *Sumus ambo duo magna luminaria, dabimus ergo operam, ne per nostrum dissidium oriatur Eclipsis.* Sleid. lib. 6. Hinc omnia se posse imitari Dei, falsissimè ore quidem maximè impudenti & blasphemò gloriatur petulantissimus divinæ ac humanæ Majestatis contemtor. Contra Romanū Imperium non à Pontifice Romano, sed à Deo T. O. M. ad Germanos translātū esse, probamus his argumentis. 1. Solus Deus constituit regna, ac per eum Reges regnant & justa decernunt. Prov. 8. v. 15. Dan. 2. v. 21. Es. 45. Rom. 13. v. 1. 11. Falsitatis arguit opinionem Pontificiorum populi Romani in coronatione Caroli M. solennis acclamatio, quæ talis: *Carolo Augusto à DEO ordinato, magno & pacifico Imperatori.* Anastasius, Eginhardus, Sigonius & alij. 111. Porro eadem falsitatis redarguitur ex pacto illo, ab eodem Carolo M. Salisburgi, cum græci Imperatoris Legatis, inito. Crantz. lib. 3. 1v. Sic argumentamur. 1. Quodcumq; Papa non habuit, id non potuit transferre in alios. Atqui Occidentis imperium eò tempore non habuit. E. Minor patet. Quia neq; jure divino, neq; jure humano, imò ne de facto quidem habuit. *Non jure Divino*: quia Christus ipse testatur regnum suum non esse de hoc mundo. Joh. c. 18. Secundò prohibet, ne Apostoli & eorū successores rebus secularibus se admisceant. Matt. c. 20. *Reges gentiū dominantur: vos autem non sic.* Et Joh. 20. *Sicut misit me pater, ita & Ego mitto vos.* Tertiò. Quia praxis Apostolorum & Doctorem primitivæ Ecclesiæ planè est contraria. *Non jure humano*: Quid enim hic adferre poterunt? Deinde manifestum est, quod omne Occidentalis Imperij jus eò tempore apud Imperatores græcos fuerit, quod vel ipsi Pontificij confiteri coguntur, quando dicunt: imperium Occidentale à græcis ad germanos translātum esse. A non habente nulla potest fieri translatio. Terminus à quo, sunt græci; ad quem, germani: intermedium nihil est. *Non facto*: De facto nemq; illud Longobardi, insensissi-

mi Pontificis Romani hostes tenebant, idq; non solum acerrimè defen-
 ditabant, sed Papæ etiam patrimonium D. Petri, quod vocant, eri-
 pere conabantur. II. Quodcumq; partim jure belli, partim transactio-
 ne cum Græcis, partim etiam populi Romani suffragio Carolus M. ha-
 buit, id non Pontifici acceptum refert. Atqvi Occidentis imperium
 ita habuit. Ergo. Minorem si quis negaverit, luce historiarum obrutus ca-
 det. V. Refellunt nugas Papales, gravissimæ Imperat. ad Pontifices
 datæ responsiones. Sic enim Fridericus I. Imper. Adriano IV. rescripsit:
*Quod potius debeat cogitare de sectandis Petri vestigijs, de cruce Domini
 portandâ, quàm de regnis tradendis, adimendis & transferendis; cum quic-
 quid ipse & alij Pontifices habeant, ex largitione Principum tantum obti-
 neant.* Sic Henricus Auceps ad filium Ottonem I. *En tibi,* inquit, *impe-
 rium, non à majoribus tibi relictum, sed per memetipsum acquisitum,
 & à solo DEO concessum, trado.* Idem affirmat Archiepiscopus Mogün-
 tinus, in Ottonis coronatione, his verbis: *En, adduco vobis Imperato-
 rem à DEO electum.* Idem Otto, cum persecutionem pateretur, *Ad
 vos,* inquit, *ô Proceres regni, non ad Pontificem pertinet creare Impe-
 ratorem.* VI. Liquidò idem demonstrat constitutio Friderici Impera-
 toris unanimi consensu procerum facta, quam postea Ludovicus Ba-
 varus Coloniarum promulgavit, in qua læsæ Majestatis reus declaratur, qui
 Imperium à Papa translatum asseverat. Hinc Maximilianus I. Coro-
 nam imperialem à Pontifice accipere noluit. Rudolphus Habspurgen-
 sis nunquam in Italiam venit, qui cum ad instantiam Nicolai Pontificis
 Romam ingredi recusaret, apologetico scripto sic respondit.

me vestigia terrent,

Omnia te adversum spectantia, nulla retrorsum.

Sic Ferdinandum I. Maximilianum II. Rudolphum II. Matthiam I. &c.
 invictissimos Imperatores nunquam Romæ coronatos esse, apud o-
 mnes notorium est. VII. Non à Pontifice olim, sed à Præfecto urbis,
 & nomine quidem populi Romani, corona Cæsari imponebatur, cæ-
 rimonia tantum peragente Pontifice, sicq; ante coronationem ple-
 num imperij gubernaculum Cæsari competere, communi calculo tra-
 ditur. Rationes in contrarium allatæ futilissimæ sunt, nullamq; me-
 rentur refutationem: imò exijs, quæ dicta sunt, earum falsitas mani-
 festissima est. De translatione imperij ad Saxones, quæ Bellarminus
 habet, dum asserit Ottonem I. cognomento M. excluso Conrado &
 Henrico Aucepe, primum Germanum ex Saxonum familia fuisse Im-
 perato-

peratorem Augustum, nullo veritatis fundamentò nituntur, & ab alijs jam olim confutata sunt evidentissimè. Vid. Matthiam Flaccium Illyricum de translatione imperij. & alios. Nos ad sequentem progredimur Quæstionē, ostensuri, non plus ad Electoralis Collegij fundationem Romanum Pontificem contulisse, quàm ad Occidentalis imperij translationem. Sit itaq;

QVÆSTIO V.

Utrum Electoralis Collegij fundatio Papam authorem agnoscat, & quando, ac per quem cæperit.

ARdua sanè & difficilis hæc de Collegij Electoralis fundatione est quæstio, cum illam Pontificij Papæ suo in totum tribuere non vereantur. Nos tamen, cum, ut Schard. in proæm. de orig. Elect. in rebus, ad decus Imperij Germanici pertinentibus, inquit, *tum alia complures sint digna liberalium ingentorum cognitione, tum verò dignissima investigatio historia de origine & institutione Principū Electorum*, paucis eam explicare conabimur. Si enim vel Genealogiæ illustris alicujus familiæ, vel originis præclaræ civitatis cognitio, homini in rerum liberalium studio versanti convenire putatur, quantò magis cognitio ordinationis principum, rerum patriarum studioso convenientior honestiorq; erit? Electorum verò in imperio Romano tanta est dignitas, ut eos Carolus IV. *Imperiij palmites imperiales, septem candelabra lucentia in unitate Spiritus septiformis, quibus sacrum illuminari debeat imperium, columnas & latera, solidasq; imperij bases, & propinquiora Casaria membra vocet, quæ, veluti columna sacrum ædificium circumspècta prudentia soleris pietate sustentent, quarum presidio dextera Imperiali roboretur, & orbi fluctuanti subveniantur.* De quo sanctissimo Collegio magna & celebris est inter eruditos controversia, à quò sit institutum. Sunt qui id acceptum referunt Gregorio V. Papæ Romano: Sunt, qui idem referunt ad Fridericum II. & Gregorium X. Sunt, qui existimant, id non tam expressâ & speciali constitutione institutum, quàm antiquâ consuetudine sensim introductum, hoc Caroli dicto moti: *Et Principes Electores ad electionem hujusmodi juxta antiquam & laudabilem consuetudinem habuerint proficisci &c.* Si juxta antiquam consuetudinem ad eligendum proficiscuntur, non utiq; constitutioni id tribui poterit. Aurum. disc. III. ad Aur. Bull. Caroli IV. imperatoris. Ut ut verò sit, non pervulgatam sententiam sequentes, Ottonem III. Imper. divinitus excita-

citarum prima fundamenta huic collegio posuisse, statuimus. Notum namq; est ex historicis, Imperatoriam Majestatem à Carolo M. ad Germanos translatam esse, & tunc temporis electionem & institutionem imperatoris penes imperatorem ipsum constituisse, qui vel filium, vel cognatum in locum suum substituebat. Mascula verò Caroli M. stirpe sublata, universus Francorum & Saxonum populus, Germanorumq; Procerum concursus ad Ottonem, Saxonie Ducem factus est. Verum oblatum regnum repudiavit, excusationem decursu ætatis prætendens, ideoq; populus & Proceres Germanorum imperium Conrado Francorum Duci detulerunt, qui moriturus, Henrico Aucupi tradidit: hic ad filium Ottonem M. & nepotem Ottonem imperatoriam Majestatem transmisit. Quo ultimo defuncto, à Germanis Proceribus, qui tunc frequentes Romæ erant, de successoris electione, varia certamina sunt excitata. Alij enim Henricum Bavarum, alij Ottonem ux. Ottonis M. nepotem imperatorem cupiebant. Germanis ergo Proceribus in contraria studia euntibus, Crescens Nomentanus Consul factus, seditione excitata, imperij titulum adsciscere sibi gestiebat, ægrè admodum ferens, imperium Romanum ad externos esse translatum. Proceres ergo imperij Germanici, apud quos longo jam tempore imperij Majestas confederat, Ottonem Bavaro præferunt, & imperatorem declarant. Crescens Nomentanus verò semel atq; iterum magis magisque imperio inhians, Gregorium Pontificem dejecit, aliumq; adulterinū substituit. Quibus commotus pervalde Otto, exercitum infestum urbi admovent, civesq; ad incitas redactos, ad deditionem compellit, Gregorium, solio Papali dejectum, pristinae suæ sedi reddit, adulterinum Papam, oculis erutis, suspendi curat. Crescentium verò ex fugâ retractum, vili jumento averse impositum, ac per civitatem circumductum, ultimo supplicio affici jubet. Cum ergo sapientissimus imperator & Gallorū, & Italicorum, & Hispanorum conatus satis perspexisset, quod Majestatem imperatoriam vel ad suos, vel ad externos transferre in animo haberent, nihil utilius ad conservandam Majestatem imperialem fore ducebat, quàm si Collegium Electorale ordinaretur constituereturq; , ut ad nullam aliam gentem, quàm ad Germanos illud decus deinceps pertineret. Quare cum ad præminentiam Sacri Romano-Germanici imperij id maximè conducere intelligeret, non solum hoc Septemvirale Electorum Collegium ordinavit, verum etiam, ut non nisi Germanus in imperatorem eligeretur, prudentissimè constituit. Quo anno au-

tem lata sit hæc Constitutio, variant historici. Interim tamen Papam Gregorium V. ut acceptæ injuriæ poenas ab Italis, quo posset modo, peteret, Imperatori Ottoni III. ut & certus aliquis Electorum numerus constitueretur, & simul constitutio, de Germano Imperatore eligendo, certior fieret, *authorem fuisse*, facile Pontificijs largimur. Verum numerum illum certorum Electorum à Pontifice Gregorio *institutum esse*, id est, quod aperte negamus. Cum enim verissimè notoriū sit, antea populum & Proceres imperij semper, nunquam verò Pontifices, potestatem eligendi imperatorem habuisse, quomodo, quæso, Gregorius V. id Electoribus dare potuit, quod nunquam ipsemet habuit? Inde satis patet irrationabilitas jactationis Pontificiæ, quæ Septemviris seu Electoribus hanc eligendi potestatem à sede Romanà datam concessamq; fuisse gloriatur. Consuetudini hoc acceptum referunt, Schonb. l. 5. Polit. c. 32. Arum. disc. III. ad Aur. Bull. Caroli IV. Imperatoris, p. 122. 123. Jacta itaq; quidem sunt Electoralis Collegij prima fundamenta ab Ottone III. Verum jacta, non (sicuti in rebus magnis & arduis fieri solet) planè absoluta. Quamvis enim deinceps Electio imperatoris ad Germanos alligata fuerit: nondum tamen certus Electorum numerus ex certis familijs fuit constitutus, sicuti id prolixè demonstrant alij, in ijsq; Dn. Calvisius in Chronol. ad annum Christi 998. Otto IV. quidem, teste Goldasto in constit. imper. ad annum Christi 1208. Francofurti, cum consensu Principum, in præsentia Legatorum summi Pontificis, Hugolini & Leonis, tulit legem de eligendo imperatore, his verbis: *Imperatorum nullus hereditariā dignitatem vindicato. Principes sex sunt, sacri ordinis tres: Moguntinus, Trivirensis, & Colonienfis. Profani totidem, Comes Palatinus Rheni, Dux Saxonia & Marchio Brandenburgensis: hi, si discordes fuerint, Regem Bohemia cooptant*; testaturq; Albertus, Abbas Stadenfis in Chron. legem hanc sequentibus annis observatam fuisse: Verum, si historias respicimus & praxin observamus, nihilominus postea variatū deprehendimus. Vid. Matthæus Parisiensis. Res ut paucissimis expediatur, Ordo Electorum considerandus videtur ratione partim *Ortus*, partim *Confirmationis*. Ortū habuit Electorū ordo tempore Ottonis III. circa annū Christi 990. ut testantur Blondus, Platina, Bergomas, Crantzius, Trithemius, M. Polonus & alij; ita ut Henricus Claudus Sanctus cognominatus, primus sit Imperator ab Electoribus creatus. Verum ex historia Friderici II. Imperatoris, & Innocentij IV. Papæ, annō Christi 1245. patet, non-

dum tunc fuisse constitutum ordinem Electorum, uti nunc est. Confirmatus autē, & uti nunc est, constitutus fuit tempore Caroli iv. qui illū in aureā bullā ad certas classes & familias alligavit certisque legibus constrinxit. Nonnulli illum Carolo M., seu primo auctori, acceptum referunt, ut Suffridus Petri & Hirsavense Chronicum: verū in Carolinā stirpe imperium fuisse hereditarium, manifestum est. Si quid itaq; ejus tempore Caroli M. fuit, vix prima incunabula fuerunt. Carolus namq; universam Germaniam in quatuor divisit capita: *Bojos, Svevos, Francones & Saxones*. Francones Ecclesiastico Principi subesse voluit: reliquis quoq; certos Principes præfecit, ex quibus deinceps Electores orti sunt; ex Bojis Palatinus; ex Saxonibus Saxo; ex Svevis Brandenburgicus. Vid. Henricus Bruningus de varijs Universitatum speciebus, thesi ix. sub lit. b.

QVÆSTIO VI.

Utrum Pontifici aliquid potestatis seu juris in Imperatorem Romanum competat, ex quo ipsum throno suo deicere, subditos à fide ipsi datā absolvere, aliumq; in ejus locum substituere possit.

CUM Cæsar nulli mortalium subesse dicatur, veluti cui mundi dominatus attribuitur & universalis jurisdictio, Schonb. l. 5. c. 10. p. 508. iniquissimē asseclæ Pontificis, Papam pro summo Principe agnoscunt, & quantum Sol Lunæ, aurum plumbo, anima corpori præstat, tantum etiā Papam præstare Cæsari, nugantur, atq; ei super omnes principes constituto fas esse, ipsis etiam Imperatoribus illudere. Schöb. l. 5. c. 10. p. 508. impiè somniant, Papamq; jus, ex quo Cæsarem de throno suo deicere, & alium in ejus locum substituere possit, omnemq;ve, quā uti lubeat, in eum potestatem habere, his frivolis argumentis demonstrare conantur. I. Quia jure Canonico cautum est, Papam nominare, denunciare & declarare Imperatorem Romanum, itemq; jus & autoritatē examinandi personam electam in Regem & promovendam ad imperium, ad ipsum Pontificem spectare. Jam qui hanc potestatem habet, ille utiq; imperium in manu ac potestate suā habet, & si ita visum fuerit, imperatorem de throno suo deicere, subditos à fide ipsi datā & juratā absolvere, aliumq; sibi commodiorem, in ejus locum substituere potest. In re namq; suā quisq;, quod lubet, agere, & jure suo, ullo sine crimine uti potest. II. Quia Canonistæ plenis buc-

cis

cis clāmant: Papam cœlestis & terreni regni caput esse, Sacerdotiūq; supereminere imperium, penesq; ipsum de jure divino & naturali re-
 fidere utramq; jurisdictionem, propterea quòd Papa non tantum con-
 secratur, ut Sacerdos, sed coronetur etiam uti Rex, in cujus Majestatis
 recognitionem testificationeq; Pontificios pedes exosculentur omnes
 Reges & Principes. III. Quia fidelitatem & homagium imperator Pa-
 pæ præstare tenetur. IV. Quia imperator contumax à Papa throno de-
 jici potest, quòd de Henrico IV. Friderico Barbarossa, alijsq; pluribus
 testantur historici, qui à Papis dejecti fuerunt. Sic Fridericus II. in
 concilio Lugdunensi, annò 1243. ab Innocentio Pontifice ab imperio
 est depositus. V. Constat ex historijs quamplurimis, Pontifices co-
 ronasse, unxisse & consecrasse imperatores, & plurimi testantur, ante
 Unctionem & Coronationem Pontificis, Imperatores jurisdictionem
 & majestatem nullam obtinuisse. Sic Carolus M. cum filio Pipino, ma-
 gno illo Salvatoris nostri die, anno Christi 800. à Leone III. Romæ
 unctus est. VI. Quia Pontifici supremum jus provocandi, &, vacante
 imperio, administratio Romani imperij competit, Banniq; fulmine is
 imperatorem coercere potest. Verum Pontificem Romanum nullum
 habere jus in Imperatorem, ex quo illum throno suo deicere, aliumq;
 subditis à juramento fidelitatis absolutis, in ejus locum substituere
 possit, sed per omnia potius imperatori subesse, ejusq; Majestatem, seu
 inferiorem ac subiectum venerari debere, ex his patet argumentis. L
Exemplis V. T. Aaron, quamvis summus Sacerdos, per omnia tamen
 agnovit Moysen Politicum Magistratum pro Domino suo, quem ipsi
 Jhova in DEUM constituerat. Exod. 4. v. 16. Num. 12. v. 11. Quin &
 Moyses à Deo ordinatus, non tantum populo, sed etiam Sacerdotib; jura
 & leges præscribit. Exodi 19. v. 22. & 24. cap. 22. v. 20. cap. 24.
 v. 14. Levit. 1. v. 1. Imò tam Sacerdotibus, quàm alijs ex populo, ob
 delicta, pœnas inflixit. Levit. 4. v. 3. Moysè rebus humanis exemptò,
 Josuam Deus successorem facit & Israëlitis præponit, concedens ei po-
 restatem & in populum, & in Sacerdotes Jos. 1. v. 10. c. 3. v. 6. & 8. c. 6.
 v. 6. Rex & Psalter David Nathani Vati imperat & Sadoco. 1. Reg. 1. v.
 32. Salomon Regis Davidis filius ac successor, Sadoco substitutò, Abja-
 tharum destituit. 1. Reg. 2. v. 26. 27. Nec habetur ullum in V. T. exem-
 plum, quòd, summum Pontificem, quàm talem, Regem aliquem subiectū
 sibi habuisse eumque pro lubitu deponere potuisse, probari possit. II.
Exemplis N. T. Ille, cujus se vicarium Papa frustra, absq; ullo manda-

to & jure, gloriatur, Cæsari subjectionem & tributum nullo modo denegavit, nec Pilatū, ut injustū judicē, de throno dejecit. Jam verò non potest vicarius plus juris & potestatis obtinere, quàm Principalis seu Vicariatus commendator. Atqui Christus noluit esse vel Princeps vel Rex, sed tributū dedit Imperatori, Matth. 17. v. 27. atq; cōfessus est, Pilatum, ut præsidem provinciæ ab Imperatore Romano constitutū, habere à Deo in & de se judicandi potestatem, Joh. 19. Quid ergo Papa, qui se vicariū Christi esse prætendit, juris in Imperatorē habebit? Qvo, quæso, jure, quove prætextu se ab ejus potentiā & parendi necessitate subducere, sine summo impietatis crimine, poterit? III. Exemplis Apostolorum omniumq; primitivæ Ecclesiæ doctorem, qui subjectionem & tributum nulli magistratui denegarunt, ut cum ex historiā evangelicā, tum ecclesiasticā, alijsq; non suspectis scriptoribus patet. IV. Servus non potest deponere dominum. Papa est servus servorum, qualem semetipse proficitur. Imperator verò est, cui mundi dominatus attribuitur, cujusq; obedientiæ & imperij necessitati Deus vel omnem etiam animam subjecit. Rom. c. 13. v. Subditus non potest domini sui, cui jure divino & humano subiectus est, subditos à fide domino datā absolvere, nisi crimen perduellionis seu læsæ majestatis incurrere, & improbum seditionis & rebellionis flabellum dici velit. Papa est, ut & ex jam dictis patet, & patebit ex dicendis, Imperatoris subditus. E. VI. Constat præcedens argumentum, quia in primitivā Ecclesiā clericos omnes unā & Pontifices sub potestate Imperatorum fuisse, atq; Imperatori, in signum debitæ subjectionis, tributum solvisse, abundè testantur historici. Idem probatur Leonis IV. exemplo, qui præcepta & mādā Lotharij cæterorumq; Imperatorum, omnibus modis se servaturum promissit, qui etiam, ob crimen læsæ majestatis, coram Ludovico II. causam suam egit. VII. Omne imperium Politicum legitimū ex spontaneā & imperandi & parendi conventionē est. Arist. 1. Polit. c. 1. 7. 12. l. 5. Ethic. c. 12. Atqui potestas Pontificia non ex spontaneā & liberā Christianorum principum subjectione, sed contra naturam, ex callidā & dolosā, de commentitio mandato & ordinatione divinā, ad solius Pontificis commodum & libidinem comparata, herilis & tyrannica est dominatio. Ergo illegitima. VIII. Nullum solidum & fide dignum suæ assertionis fundamentum, quin imò ne exemplū quidem, vel ex V. vel ex N. T. Pontificis defensores afferre possunt, quò demonstretur, Pontificē à seculari jurisdictione exemptum esse, ullumve jus

in ul-

in ullam Majestatem secularem, quæcunq; illa sit, obtinere, aut unqvā obtinuisse, nedum Imperatorem Romano- Germanicum, qui omnes Reges & Principes majestate supereminet, throno dejicere, aliūq; ipsi successorem dare possit. Argumenta superiūs allata facillimō negotiō refelli ac dispelli possunt. In genere respondemus, illa aut non de jure, sed de facto loqui, aut ex jure Canonico, ejusdemq; interpretibus esse desumpta. Prioris generis argumentis quantum tribuendum, unusquisq; intelligit, cū non quid fiat, sed quid fieri debeat, facti qualitatem æstimaturis, videndum sit. De jure Canonico ab initio quæri posset, cū Pontifex nullā majestate fulgeat, ideoq; leges ferendi potestate, quā talis, destituatur, an ulla lex, quæcunq; illa sit, extra vel præter scripturam, à Pontifice lata, nisi summæ majestatis autoritate rata habeatur & confirmetur, ullam obligandi vim obtineat. Omnia quippe requisita, quæ ad legum rationem necessaria sunt, hic desiderantur. Pontificis, sicuti & omnium Episcoporum & Ecclesiæ doctorum est, ad legem & testimonium sua omnia peragere, ad quæ nisi dixerint, non erit eis lux matutina. Deinde sciendum est, Jus Canonicum desumptum esse ex fundamentis, vel 1. Sacræ Scripturæ; vel 2. Juris Civilis; vel 3. ex Scripturæ Patrumq; dictis malè intellectis ac detortis; vel 4. ex Pontificum Romanorum, fimbrias suas plūs justō extendentium, cerebellō. Si quæ ex Scripturâ desumpta sunt, non ob Pontificum, sed ob DEI, veri authoris & latoris, autoritatē valent: Si ex Patribus, nullam obligandi vim habent, nisi quatenus cum verbo DEI consonant, & intra officij terminos se continent. Si Juris Civilis sunt, ob ejus, à quo Jus civile latum & introductum est, summæ nimirum Majestatis; non ob Pontificum; autoritatem obligandi vim habent. Si ex dictis Scripturæ & Patrum malè intellectis & detortis compilata sunt, non solum non valent, sed & crimen falsi committunt, pœnamq; falsariorum incurrunt. Si deniq; illa in Pontificum cerebello inanis fastus & audax ac temeraria præsumptio peperit; qualia sunt in Gratiano: *Sequendam esse regulam Ecclesiæ Romanæ, quæ sit Beati Petri sedes: Non licere Concilium habere, nisi permittente Papâ: Leges Ecclesiæ Romanæ servandas esse, tanquam ipsius Petri voce pronuntiatas: Imperatorem subesse Papæ, non præesse: Papæ licere populum eximere à fide & jurejurando, quo Principi suo tenetur: Papæ licere Imperatorem removere loco & Magistratu &c.* Sleid. l. 3. de quatuor summis imperijs, ad tit. Fredericus II. Imperator: Antichristianam tyrannidem ac superbiam spirant, & de jure nullam obli-

gandi vim habent^r. In specie ad i. Resp. concedendo quidem. Jure Canonico cautum ac certum esse, quòd Papa nominet Imperatorem, verum negando hanc inde sequi collectionem: Papa habet potestatem nominandi Imperatorem: Ergo etiam potestatem habet eandem throno deijciendi. Deinde quantum Juri Canonico hac in parte tribuendū, jam dictum. Terriò. Si Pontifex fortè, tanquam præcipuum Ecclesiæ Christianæ membrum, ad electionem Cæsaris concurreret, inde tamen non sequeretur, quòd solus omnia, hac in parte, posset^r. Ad ii. dicimus, nullam mereri fidem argumentum domesticū afferens testimonium, cum nemo in propria causâ testis possit esse idoneus. Ad iii. dicimus, quòd, licet fortè quidam Imperatores (ac de facto quidem, non de jure) homagium Papæ præstiterint; non tamen omnes hoc facere teneantur, cum à particulari & contingenti, ad universale & necessariū non valeat consequentia. Ad iv. quidem largimur, à Pontifice solio regali decurbatū esse Henricum iv., verum de facto, non de jure. Idem de alijs etiam valet^r. Ad v. Resp. latere in argumento fallaciam secundum non causam, ut causam. Non enim sequitur. Quidam Imperatores à Pontifice coronati & uncti sunt. Ergo Pontifex in Imperatores habet potestatem arbitriariam quidvis faciendi. Nam quòd Pontifices olim Imperatores consecrarunt & unxerunt, nullius est vel in ipsis potentia vel in Imperatoribus impotentia documentum. Constat Imperatores morem hunc ab Hebræis desumxisse, 1. Reg. c. i. v. 39. Levit. 8. & retinuisse propterea 1. Quòd vellent Ecclesiæ precibus & benedictione juvari, eiq; dona intimius sibi conferri, quæ ad munus tam arduum essent necessaria. 2. Ut testarentur publicè, se principes esse Christianos, & secundum legem Domini officio suo defuncturos. Præterea nō potest Papa hanc potestatem habere uti Christi vicarius, quia omni destituitur mandato, sine quo vicarius nullus. Ubi enim in N. T. habetur, Christum Apostolis eorumq; successoribus hoc demandasse officium, ut unctionibus ac consecrationibus Reges creent, ipsisq; regna conferant aut auferant? *Ite, inquit Servator, docete & baptisate omnes gentes; non ungite & create Reges. Item: quorumcumq; remiseritis peccata, remittentur eis: quorumcumq; retinueritis, retenta sunt.* Audin^r o Papa! de peccatis, non de regnis agitur. Retine proinde peccata, si cuius tale, ob impœnitentiam, fuerit meritum; regnum ipsi relinque, aut tui ipsò, ceu raptor ac invasor alieni, major eris peccator, nec absolvi poteris, nisi ablatum restitueris. *Peccatum, ut nosti, non remittitur, nisi abla-*

*si ablatum restituitur. Quòd cum ita sit, & illud, quòd amore Religio-
 nis, & reverentiâ erga sacrum ministeriû, favorabiliter est concessum,
 ex stolidò fastu & improbâ præsuntione, in abusum trahatur nefandû,
 rectissimè ille, quanvis alioquin Pontificiâ religionis addictissimus,
 optat, ut clericis Imperator tantam potestatem vel adimat, vel saltem
 restringat. Rectissimè quoq; agit Rex Galliz, quòd imaginariâ illam
 Pontificiam Majestatem non agnoscit, etiâsi ejus libertati non semel
 insidiati fuerint multi Pontificum: Urbanus II. & cum primis Bonifa-
 cius VIII. Ita enim ad Philippum scribit: *Scire te volumus, quòd in spi-
 ritualibus nobis subes, beneficiorum atq; prabendarum collatio ad te nulla
 spectat, & si aliquarum vacantium custodiam habeas, usum fructum eorû
 successoribus reserves, & si quas contulisti, collationem haberi irritam de-
 cernimus, & quantum de facto processerunt, revocamus. Aliud credentes
 hæreticos reputamus.* Quocirca & pendente Excommunicatione Phi-
 lippi, cum aliâs scriberent; *Regnante Philippo;* ejus loco positum est:
Regnante Christo: quasi regnum ad Ecclesiam rediisset. Sed Philippus
 IV. Bonificij literis ad hunc modum respondit: *Philippus D. G. Fran-
 corum Rex, Bonifacio, se gerenti pro Summo Pontifice, salutem modicam,
 siue nullam. Scias tua maxima fatuitas, in temporalibus, Nos, alicui nò
 subesse, aliquarum Ecclesiarum & prabendarum vacantium collationem,
 ad nos jure regni, pertinere & fructus earum, durante vacatione, nostros
 nos facere: Collationes hæcenus à Nobis factas & in posterum faciendas
 fore validas, & illarum vigore possessores contra omnes viriliter Nos tueri,
 fecis autem credentes, fatuos ac dementes reputamus.* Rectissimè ergo
 communi Procerum Imperij consensu Anno 1338. decretum factum,
 quò, qui Imperatorem electum, confirmatione Pontificiâ indigere,
 & electionem ac imperium à Papa dependere, dicerent, omnibus scu-
 dis & privilegijs, quæ ab imperio haberent, ipso factò & jure privatos
 esse, sancitum. Ad VI. Resp. negando primò, Pontifici supremum
 jus provocandi competere: deinde vacante imperiò, administratio-
 nem imperij ad Papam delabi, absurdum & falsum dicimus, cum re-
 verâ tunc illa penes Status sit Imperij. Vid. Aur. Bull. tit. 5. Ad VII. di-
 cimus, vanam esse sine viribus iram, ut in communi proverbio dici-
 tur, nec bruta illa in Imperatores ejecta fulmina quicquam profice-
 re, cum extra territorium jus dicenti impune non parcaitur. Schonb.
 lib. 5. Politic. cap. 10. pag. 509.*

*Utrum jus vocandi Ecclesiæ ministros ad jura Majestatis,
pertineat; Et an Christiani Principes à Pontifice Ro-
mano id habeant.*

AD Christianos & fideles Principes, potestatem Ecclesiasticam æternam, curamq; vocationis ministrorum Ecclesiæ, ut illi juxta divinitus institutum ordinem vocentur, pertinere, non negamus. i. Quia Principes & ipsi sunt membra Ecclesiæ, & præcipua quidem. ii. Quia sunt custodes utriusq; tabulæ & Ecclesiæ nutritij. Esa. 49. v. 23. iii. Quia rationem habere debent eorum, quæ ad animarum salutem spectant, inter quæ primariò Vocatio ministrorum seu pastorum referatur. iv. Quia praxis nostrarum Ecclesiarum sincerioris olim Ecclesiæ Christi exemplis fundata, idem docet. Nequaquam verò, jus hoc principibus à Papâ Romano concessum esse, admittimus: quin potius Papam Romanum, partim dolo & fraude, partim vi potestatem istam ad se solum rapuisse asserimus. Sine consensu olim & autoritate imperatorum Orientalium Pontifex Romanus ordinari non potuit, sicuti exemplum Pelagij ii. demonstrat, qui missis Legatis, Mauritio se excusat, quòd non petierit Confirmationem, idq; obsidione Longobardorum impeditum, affirmat. Platina in Pelagio ii. Non itaq; Imperatores à Pontificibus, sed Pontifices potius ex Imperatorum indulgentiâ collationem habent. Multos Pontifices Imperatores elegerunt, imò eosdem etiam, ob scelera & flagitia enormia, deposuerunt, v. c. Otto i. Johannem xii. Sigeb. l. 7. hist. Ital. Ludovicus iv. Johannē xxii. Avent. l. 2. Ann. Sic Henricus iv. vel v. Papam Paschalem in carcerem conjecit. Malmesburg. l. 5. Si quis tamen quærat, annon igitur principes, reliquis omnibus Ecclesiæ membris potthabitis, Vocationem ministrorum Ecclesiæ sibi solis sumere, eamq; cæteris exclusis, pro lubitu suo, instituere possint & debeant; in sententiam negativam abimus. i. Quia Vocatio bonum & munus est totius Ecclesiæ, non ad jus Politicæ, quatenus illa talis, pertinens, sed ad regnum Christi, cum discrimin sit inter regna Politica & regnum Christi, Joh. 18. v. 36. ii. Cui datæ sunt claves regni cælorum, illi etiam data est potestas vocandi idoneos Ecclesiæ ministros. Sed toti Ecclesiæ datæ sunt claves regni cælorum, Matth. 18. v. 18. Ita à Gregorio Papa constitutum est, ut Pontificis electioni & Clerus & Populus intersit. Ita quoq;

Nico.

Nicolaus non antè Episcopum consecrari vult, quàm Cleri & Populi electio præcesserit. Leo VIII. cum toto Clero ac populo Romano electionem fieri debere rescribit. Quare solus princeps Ecclesiæ ministrum vocare non debet. Pius enim Magistratus non est tota Ecclesia, sed tantum membrum ejus: nec est ejus Dominus, sed nutritius; in sinum ejus delata est Ecclesia, nempe in sinum, ut foveatur, non ut confundatur. Sicuti enim sidera splendorem habent, sed ut usibus mortaliū deserviant: sic Magistratus potestatem aliquam circa Ecclesiastica, sed cum utilitate Ecclesiæ devinctam, habet, Lipsius. Inde consequitur, jus reformati religionem non ex nudo & mero arbitrio Principis pendere, sed consensu Ecclesiæ fieri debere, exemplo Regis Davidis 2. Sam. 7. Hiskia, qui diligentissimè in reformatione sua contulit cum Doctoribus & sincerioribus Levitis. 2. Chron. 20. v. 22. ita tamen, ut omnes verbo DEI subjiciantur. Nec obstat, quòd in transactione Passaviensi hoc jus statibus Imperij tributum reperiatur. Respondemus namq; ea, quæ simpliciter proferuntur, ad id, quod rationis, pietatis & honestatis est, coarctanda & ita interpretanda esse, ut, quo ad ejus fieri potest, absurditas evitetur, omnibusq; principum constitutionibus & legibus justissima inest clausula: *Ut civiliter intelligantur.* Materia verò subiecta id non patitur, ut ita generaliter verba ista interpretemur, vel absolute ad solos principes referamus, alioquin absurdus sequeretur intellectus contra verbum DEI, quod contrarium disposuit. Distingvimus ergo inter ipsam Reformationem, & curam, ac directionem externam Reformationis. Illam toti Ecclesiæ, hanc Principi, tanquam nobilissimo ejus membro, tribuimus. Vid. **Reinkingk.** Ut autem princeps hoc jus vocandi Ministros Ecclesiæ sibi soli adscribere non potest: ita nec Ministerium. Quemadmodum n. Ecclesiæ gubernatio in his terris non est Monarchica: ita nec Vocatio Ministrorum ab unius alteriusve hominis arbitratu dependere debet, sed potius, quod ad omnes pertinet, id etiam ab omnibus approbari æquum censetur, ita ut omnia in Ecclesiâ ejusq; regimine Aristocraticè temperata sint. Meissn. disp. de regim. Eccles. Cum itaq; omnia ordine & decenter fieri debeant, solis Doctoribus verbi & Ecclesiæ ministris attribui nō debet, quibus non fas esset, sumere partes Domini. Sunt namq; ministri Ecclesiæ. Rom. c. 1. v. 1. Non Domini. 1. Pet. 5. v. 3. quasi liceat ipsis discipulorū fidei dominari, obtrudendo ijs, qualescunq; velint ministros, & quævis credenda, quæ sermonibus DEI non continentur. Quamobrem status

Monarchicus à Christo toties fuit rejectus, Matth. 18. v. 1. Marc. 9. v. 32. Pontifex Romanus itaq; cum suis asseclis sacrilegium committit in eò, quod Vocationem in totum Ecclesiæ eripit, & ad se solùm suosq;ve transfert. Nec tamen promiscuè multitudini tribuenda, propter ordinis boni in Ecclesiâ conservationem, ut omnis evitetur confusio, sed omnia decenter fiant & ordine, 1. Cor. 14. v. 40. ita ut nec Monarchica, nec Democratica, sed Aristocratica in his terris Ecclesiæ sit gubernatio. Quare, cum ex triplici statu constet Ecclesiæ: Ecclesiastico, sub quo pastores: Politico, sub quo Magistratus secularis: Populari, sub quo quivis sub populo, singulis suæ partes in Vocatione debentur, ita, ut primæ statui Ecclesiastico debeantur, qui de vocandorum integritate vitæ, sinceritate doctrinæ & dexteritate docendi, omnium optimè judicare potest. Secundæ partes Principibus, quibus utriusq; tabulæ Custodia & Executio severissimè demandata est, & ut ministeria Ecclesiæ rectè ac ritè constituentur & administrentur, gravissimè præceptum. Hi itaque cùm & utriusq; tabulæ Custodes, & Ecclesiæ nutritores esse, ac tanquā clypei ac scuta in populo eminere, Ecclesiā tutari, falsos cultus & dogmata, exemplo piorum Regum, Davidis, Josaphati, Josiæ, Constantini M. Theodosij & aliorum, abrogare debeant, ad ipsos etiam non parùm hæc cura pertinet. Breviter: Ecclesiasticus status debet consulere de personā idoneā: Popularis approbare: Politicus decernere.

QVÆSTIO VIII.

*Utrum potestas congregandi generalia Episcoporum Concilia
ad Imperatorem Christianum pertineat.*

CAnonistæ Laicis Principibus omnem potestatem Legis Ecclesiasticæ condendæ, etiam in commodum Ecclesiæ cedentis, ademerunt. Hinc Pontifex Romanus Episcopatum universalem seu Principatum super omnes totius mundi, tum Ecclesias, tum Episcopos arroganter sibi tribuit, & super hoc falso fundamento se caput Ecclesiæ esse & supra Concilium constitutum, imò scripturæ auctoritatem à se dependere statuit. Verùm quàm falsè & improbè, cum constitutiones Imperiales tum sacræ literæ satis superq; ostendant. Ad curam enim Principis Ecclesiasticā pertinet curare, ne errores perniciosi & Schismata in Ecclesiam introducantur, introducta foveantur, ac dissensionibus & inanibus contentionibus purus Dei cultus impediatur, & candida Sponsæ stola desordetur. Unde & rectè Justinianus Imperator dixit, se nihilo mino-

rem curam Ecclesiæ, quàm propriæ vitæ habere. Ortis autem erroribus, dissensionibus & schismatibus, nihil ad conciliandas dissensiones & extirpandos errores salubrius est, quàm Conciliorum convocatio. Conciliorum enim celebratio agri dominici eximia cultura est, quæ vepres, spinas & tribulos hæresium & schismatum extirpat, excessus corrigit, deformata reformat, & vineam Domini ad frugem uberrimæ fertilitatis adducit per ea, quæ tradit Petrus Gregorius Tholoz. de Rep. l. 13. c. 1. n. 16. Autoritas verò convocandi Concilia, non ad Pontificis, sed ad Principis curam Ecclesiasticam & officium pertinet, qui non solum interesse, sed & præesse Concilij debet, tanquam caputulare, Advocatus Ecclesiæ & Protector Conciliorum. Ita Constantinus M. primum Concilium Nicænæ congregavit: Theodosius M. Senior Constantinopolitanum: Theodosius Minor Ephesinum: Carolus M. in Galliâ quinque; Concilia provincialia, & unum generale, inconsulto Pontifice Romano, celebravit, ut Historici referunt. Frustrâ itaque Pontifex Romanus hanc potestatem, regis Majestatis particulam, sibi soli arrogat, hac prætensione, quod in ipsis Imperij Reecessibus Pontifici tribuatur facultas convocandi Concilia. Nos verò dicimus, quod Papa illam facultatem non ex se, sed Imperatoris permisso & indultu usurparit. Imperator enim Carolus v. ex quadam Zelotypiâ Pontificiæ Religionis, & veneratione Pontificis, id permisit & indulgit Pontifici, ut is esset executor voluptatis imperialis in convocando Concilio. Nihil itaque aliud Imperator Pontifici demandavit, quàm juris, sibi, tanquam capiti seculari & protectori Conciliorum competentis, nudam ac meram denuntiationem, quæ in facto consistit. Itaque si Pontifex Imperatoris mandato, quoad convocationem illius Concilij, non satisfecisset, Carolus Imperator ipse, vi potestatis suæ Cæsareæ, id effectum dedisset, aut effectum dare potuisset. Verum Christianum Principem potestatem habere, generalia Episcoporum Concilia sine Pontifice congregandi, illisquæ, ut summum caput, præsidendi, sequentibus probamus argumentis. 1. Si Imperatori ratione officij & potestatis Cæsareæ jus convocandi Concilij competit, isquæ ad id tenetur, non potest idem jus competere Pontifici, cum duo ejusdem juris & rei non possint esse in solidum domini. Sed verum prius. Ergo & posterius. Quare non potest Pontifex alieni juris & muneris usurpationem sibi sumere, sed in terminis functionis suæ permanere debet, 1. Cor. 7. v. 20. 11. Quia Imperator Pontifici terminum præscribit, intra quem Concilium con-

vocare debet. III. Inde constat, quod Principes & Imperatores sine utriusq; Tabulæ Custodes & Præsides, Deut. 17. v. 19. Sic Moyses omnem sacrorum rationem à Deo accepit & populo tradidit. Exod. 27. v. 20. Aaronem verbis severissimè castigavit ob virulum aureum. Sic David cultum Dei restituit, 1. Chron. 14. v. 1. Sic Hiskias æneum serpentem confregit, 2. Reg. 18. v. 4. Neq; hoc Christi adventu immutatum. Legimus enim de Imperatore Justiniano, quod se nihilo minorem curam Ecclesiæ, quàm propriæ suæ vitæ habere, apertè confessus fuerit. Constat quoque Constantinum Imperatorem non solum Concilia Oecumenica coëgisse, & Romanum Episcopum, sed alios etiam plures Patres Concilij præfecisse, qui non suo, sed Imperatoris, nomine omnia statuerunt ac decreverunt. Quam potestatem Imperatores Romani postmodum retinuerunt, ut & de locis Sacris & eorū privilegijs, item de personis Ecclesiasticis, earumq; creatione, numero, officio, immunitate, de cærimonijs, de diebus festis, imò de doctrinâ ipsa, tam fidei, quàm morum, decernerent ac disponerent.

QVÆSTIO IX.

Utrum pax Religioni per Transactionem Passaviensem data, atq; dehinc in pluribus Imperij Comitijs confirmata ac stabilita, ab omnibus probanda & religiosè servanda sit.

IN hac quæstione gravissimâ & maximè arduâ Controversia de *Pace Religionis* nobis est excutienda. Illam autem religiosè servandam esse, nonnulli fratres de Societate Jesu negant, quod Carolo v. Imperatori vi sit extorta, atq; ab Imperatore malè informato, ad Imperatorem meliùs informandum, provocandum censent. Quanta verò superiori seculo inter eos, qui Romani Pontificis castra sequuntur, & inter eos, qui Confessioni Augustanæ addicti sunt, in gravissimis fidei articulis, exorta fuerit dissensio, toti mundo notorium est, tanta scilicet, ut conjunctissimum mutæ charitatis vinculum in Imperio Romano non solum distraxerit, funestissimasq; belli & turbarum faces accenderit, Seid. de stat. Rel. verùm etiam longè miserabiliorem investura fuerit calamitatem, nisi maturò & sapienti huic malo per Religionis Palladium obviam itum fuisset. Deus enim T. O. M. Carolum v. commovit, ut singulari quadam clementiâ & paternâ erga com-

communem patriam affectione, iustis ordinum precibus ad se delatis, Religionis Pacem decreverit, constituerit, sanxerit. Ejus enim auspicijs hæc pax facta est in transactione Passaviensi, anno Christi 1552., & postea à Ferdinando Rege Romanorum, fratre ejusdem serenissimo, anno 1555. in comitijs Augustanis, jussu Caroli celebratis, sancita & promulgata: quam ipsam constitutionem ipse Carolus approbavit & confirmavit. His itaq; Comitij, constitutio de pace Religionis, post conventum Passaviensem, nata est primum robur: idq; communi Procerum suffragio. In Comitij postea Ratisbonensibus, anno 57. & Augustanis, anno 59. & rursus Augustanis, anno 66. sanctissimis verbis repetita & roborata est. Necesse igitur est, ut Imperator & status stent tam sancto promisso. Contra quod docent Jesuitæ & alij, dicentes, Carolum v. vi fuisse compulsam, ut imperij Proceribus morem gereret, hancq; constitutionem vi ferroq; ab Imperatore fuisse extortam dicunt, Tarquinij illud ad Lucretiam, apud Livium l. 1. decad. 1. falsissimè accommodantes immane dictum: *Ferrum in manu est*. Inde sic argumentantur. Juris explorati est, quod sine consensu, eòq; liberò, nullus contractus iniri possit. Unde quibus necessitas adhibetur, vi non minus falsa, quàm vera dicere solent. Nam vel dolorem tolerantes verum occultant, vel faciliè mentiuntur, ut à cruciatu liberentur. Nec sufficit, ut consensus ex voluntario quopiam actu descendens accidat, sed talis debet esse, qui ab omni coactione doli & metus (nam & qui dolo agit vim ac metum infert) sit liberrimus, propterea, quod consensui nihil tam contrarium sit, quàm vis aut metus. Atqui Imperatoris decretum, non ex voluntario & liberrimo consensu, sed ex coactâ voluntate est ortum. Ergò consequitur, hoc decretum non esse ratum habendum sed rescindendum. Contrà quod decretum hoc super Pace religiosâ ex paterno & singulari affectu erga communem patriam sit sancitum & promulgatum, probamus ex ipsâ constitutione *Pacis Religiosæ* sub anno 1552. §. *Habē wir als Römischer Christlicher Käyser/ von sonderlicher Liebe vnd Begierde wegen/ so wir zur Teutschen Nation/ vnd deroselben Stände Friede vnd guter Einigkeit tragen/ vns mit denselben/ vnd Sie hinwiederumb mit vns verglichen/etc.* item: *Alles bey Käyserlichen vnd Röniglichen Würden/ Fürstlichen Ehren vnd wahren Worten etc.* Idem probatur ex alijs confirmationibus, in omnibus ferè comitijs repetitis. Deinde patet id ipsum ex definitione *Pacis Religio-*

nis. Definietur enim *Pax Religiosa*, quod sit edictum, de certa Religionis in Romano Imperio liberè colenda facultate, concordì Statuum suffragio, sub gravissimâ pœnâ, promulgatum. Est edictum i. e. Constitutio Principis Monarchiam repræsentantis; de certæ Religionis facultate, non hæreseos notoriæ exercitio; liberè exercenda, non more Libertinorum; concordì Statuum suffragio, etiam ipsius Imperatoris Caroli V. Principis victoriosissimi. Est ergo *Pax Religiosa* edictum sive Constitutio Principis, quâ Princeps motu animi liberò, citrà personæ privatæ, vel specialis causæ determinationem, publicè quid edicit. Ex Const. Pafs. *Setzen demnach/ordnen/wollen vnd gebieten/etc.* §. *So wollen die Käyserl. Majestät/* quæ verba legis & L. latoris sunt gemina. III. Juramento se adstringunt Sacri Imperij Romani Proceres, ad hujus Constitutionis observantiam. Pœnam etiam in transgressores ejusmodi statuunt eandem, quæ Pacis publicæ fractoribus irroganda est, nempe Bannum Imperij. Argumentum proinde in contrarium quod attinet, limitamus i. majorem propositionem: Prætor enim ibi non intelligit, quamlibet vim, teste Ulpiano, sed majoris rei impetum, qui omninò repelli non possit, & metum non vani hominis, sed qui in hominem constantissimum cadere possit. Unde in Min. Prop. mirum, quod istiusmodi metum in invictissimum Carolum cadere potuisse ausi fuerint affirmare, qui sanè rerum à Carolo v. gestarum non fuere ignari, sed optimè novère, Electorè Saxoniz tunc temporis detineri captivum, & magnanimum illum Heroëm, Philip-pum Hassiæ Landgravium custodiæ mancipatum, & præter Bremenses & Magdeburgenses, potentissimas Imperij civitates ad unum omnes defecisse. An ergo erunt, qui vi ferroq; extorserint Religionis libertatem? Præterea toti mundo notum est, Carolum v. piz memoriæ, non solum suis incolis, sed etiam exteris Regibus & Principibus potentissimis, imò ipsi Solymanno, maximum terrorem incussisse, & tamen is, qui infinitas & incredibiles confecerat expeditiones, novem in Germaniam, sex in Hispaniam, septem in Italiam, decem in Belgium, quatuor pace & bello in Galliam, bina in Africam itinera peregerat, Alsted. Encycl. l. 18. Syst. Polit. c. 18 fol. 2666. contra propriam conscientiam, à tam exigua hominum copiâ, omni subsidij spe prorsus orbatâ, coactus fuisse dicitur. Quid? si ipsis, Carolum v. atroci vi fuisse compulsum, daremus, ut Principibus Imperij morem gereret; quod tamen citrà veritatis præjudiciū concedi nequit, ecquid inde reportarent?

erarent? Si enim vim indistinctè ad obligationem enervandam efficacem esse arbitrantur, vehementer errant. Nam Ulpianus hoc modo respondet: *Vim accipimus eam, quæ contra bonos mores fit, non eam, quam Magistratus intulit, scil. jure licitò.* Quæ Ulpiani responsio ex eò dependet principiò, quod in omni facinore aspicienda sit delinquentis voluntas. Cum ergò in Principibus Romani Imperij defecet voluntas delinquendi, ex eò, quod qui suo jure agit, nemini faciat injuriam. Ergò istiusmodi metum ac vim, contra bonos mores, non intulerunt: Qui enim facit id, quod Lex præcipit, sive ea divina sit, sive humana, jure suo utitur. Jam Principes Imperij fecerunt id, quod Lex divina præcipit. Ergo Min. prob. Lex divina præcipit scrutari Scripturas, & in ijs manere, utpote quæ sint *utiles ad doctrinam, ad redargutionem, ad correctionem, ad institutionem, quæ est in justitiâ; ut perfectus sit homo DEI, ad omne bonum opus perfectè instructus.* 2. Tim. 3. Atqui Principes ductu Spiritus S. Scripturam S. scrutati sunt, ideoq; liberum religionis exercitium, toties iteratis suis Protestationibus ac supplicibus libellis, repeterunt. Ergò id tantum modo fecerunt, quod Lex divina eos facere jussit. Sed dicat quispiam, quoniam sunt illi Principes Protestantes? nonne hæretici? Illi ex Alsted. Encyc. Syst. Polit. l. 18. c. 18. p. 2666. Respondemus: Non sufficere, vocare aliquem hæreticum, præsertim eum, qui suam confessionem ex limpidiissimis Israëlitis fontibus scaturientem haurit & deducit. Deinde, ipsis etiam fidem servandam esse dicimus. His verò non contenti Jesuitæ, alijque ejus conditionis homines ulteriùs progrediuntur, atq; provocant ab Imperatore malè informato, ad imperatorem meliùs informandum. Paucis itaque nobis hæc quæstio erit excutienda. Simpliciter & regulariter ab imperatore appellari non posse, propterea quod id non tantum iniquum, verum etiam stultum sit, innotescit. Quare non posse, causâ legitimè discussâ, ab imperatore malè informato ad imperatorem meliùs informandum provocari, sequentibus freti rationibus demonstramus. i. Quia à Regibus & Principibus quibusdam inferioribus non appellatur. Ergo multò minùs ab imperatore Romano. ii. Quia appellationes fieri debent gradatim, ab inferiore ad superiorem. Imperator verò nullum superiorem habet. iii. Quia appellans arguit judicis iniquitatem. iv. Quia à Papa malè informato ad eundem meliùs informandum non appellatur. v. Quia à Camera sententijs, tanquam judicibus malè informatis non appellatur. Qui igitur ab impe-

ratore?

ratore? vi. Causâ legitimè discussâ, imperator non potest appellari malè informatus imperator. Ergo nec ad meliùs informandum provocari potest. Jam causâ de pace religionis non solùm ab imperatore legitimè est discussâ, verùm etiam à Proceribus imperij, communi Principum suffragio, approbata. Qvânam ergo erit Jesuitarum provocatio? Atq; hæc de pace religionis dicta sufficiant.

QVÆSTIO X.

Utrum in Romano-Germanicâ Monarchiâ salutariter introducta sit Imperatoris Electio, ideoq; retinenda.

Modus legitimè & ordinariè perveniendi ad imperia vel regna ferè duplex apud gentes receptus est: ELECTIO & SUCCESSIO. Arum. disc. 2. ad aur. bull. Caroli iv. Imper. th. i. Qvis verò ex hisce duobus modis utilior sit Reip. inter Politicos nõ cõvenit, & uter illorum tutior, iisdem in incertum trahunt. Qvi pro successione stant, urgent i. Quia plurimi populi successione fuerunt delectati, atq; ex illâ Reges suos perierunt, ut de Ægyptijs, Parthis, Medis, Africanis, Turcis, Indis, Moscovitis, Francis, Hispanis asserit Bodinus. ii. Quia successio est naturalis modus constituendi magistratum; Electio verò artificialis: Atqvi naturalia sunt præferenda artificialibus. E. iii. Quia successio continuat regni statum benè constitutum, & impedit interregnum, qvòd graves in Rempublicam clades inferre solet. Tum enim Resp. sine rectore fluctuare incipit, ut navis in medio mari, sine navarcho, legibus silentibus, & spe conceptâ impunitatis, repletur homicidijs, vindictis sceleribusq; alijs. Petr. Greg. Tholozanus. iv. Quia lubentiùs & faciliùs obtemperat populus consveto Domino, qvàm alij, qvi eligitur ex familiâ non receptâ. v. Quia illi diligentius & accuratiùs præparari possunt ad regnum gubernandum, qvi succedere debent; cùm contra illi, qvi eliguntur, sæpè non sint præparati ad regnum tam amplum administrandum. vi. In Electione eligitur aut potentior, aut inferior. Si potentior, tunc magis studebit regno patrio, qvàm electio, atq; sic fiet, ut ærarium ejus atqve jura imminuantur, & patrimonia Reip. exhauriantur, Petr. Gregor. Tholoz. Qvòd si eligatur inferior & humilior, is, cum tenuioribus rebus assuetus fuerit, statim animum extoller, secundùm illud:

Deterius nihil est humili, cum surgit in altum.

vii. Accedit, qvòd nova subditis imponantur tributa, vestigalia, & exactionibus alijs multis illi affligantur. viii. Quia Electio pender ex potestate

testate vel favore eligentium, qui multis modis corrumpi possunt. ix.
 Quia spes de aliquo concepta facile eligentes potest fallere. Non enim
 novum, ut homines, quorum virtus, dum privatis suis intenti fuerunt
 agellis, fuit conspicua, in deterius vergant, adopti licentiam. Schom-
 born. l. 2. c. 1. p. 114. x. Quia successio certior est: minore quippe dis-
 crimine sumitur, quam quæritur Princeps. Tacit. l. 2. histor. xi. Præsa-
 tiones ambientium successio magis enervat: natura quippe mortalium Im-
 perij est avida. Pravas aliorum spes cohiberi ait, Tac. l. 8. Annal. si succe-
 ssor non sit in incerto. Cōtrā Electionē preferendā Successioni hæc seqvē-
 tia evincunt argumēta. I. Quia Ungaria, Polonia, Bohemia huc usq; usi
 sunt Electione, non sine magno Reip. suę commodo. II. Quia Electio an-
 tiqviior Successione. Nulla enim unquam potest esse successio, nisi olim
 aliquis fuerit electus, in cujus locum postea aliquis succedere potuerit. Sic
 Romanorum primi Reges autoritate Senatus, jussu Populi Romani, con-
 stituti sunt. Halic. l. 4. III. Quia Electio dignissimum quemq; quærit &
 optimum. Atqui imperium dignissimo cuiq; tribuendū svadet Natura.
 Bod. l. 6. c. 4. Unde interrogatus Alexander M. in agone, num fratrem
 vel Filium Herculem sibi successorē, aut aliū quempia vellent, respon-
 dit, dignissimū mihi successorem opto. Just. l. 15. IV. Virtus semper cer-
 tior Dux, quam Natura. Atqui Electio fit secundū virtutē. E. v. Quia
 per Electionem libertas Reip. magis stabilitur. Nam possunt sic condi-
 tiones proponi & præscribi Principibus futuris, in quas oportet eos o-
 mnino consentire, antequam recipiantur. VI. Quia majorē parit bene-
 volentiam erga subditos, qui elegerunt. Nam quia in Electione plures
 sunt, qui regnū ambiūt, quod & ipsa vox Electionis indicat; eligere n-
 est unū ex multis legere; idcirco qui novit se ipsum regnū ambivisse &
 quæsisse, agnoscet, se magis esse obligatū regno, ad quod fuit assum-
 ptus: cum cōtrā is, qui successit, cogitet, coactos fuisse subditos, ut hunc
 Regem ferrēt. VII. Quia is, qui electus est, facilius potest moneri ac mo-
 veri, quam is, qui successit. Nos utramq; Reip. utilē & necessariā esse,
 & in ea cōsuetudinē loci maximē attendendam esse, dicimus, quā si suc-
 cessio probetur, nos illam non improbamus. Verū in comparatione pro
 Electione pugnandū statuimus. Plus n. pōderis in se habent argumēta,
 quæ pro Electione, quam quæ pro successione prolata sunt. Imperium
 nostrū Romano-Germanicum ab initio hereditariū fuit. Augustus n. à
 Julio Cæsare Testamēto fuit institutus; hic rursus Tiberiū; Tiberius Cali-
 gulam regni heredē reliquit. Cæso Caligulā jus Electionis principiū ha-

buit, & quandoq; à Senatu, quandoq; à Populo electus fuit imperator:
Ad Germanos postquam translatus est imperium, in Caroli m. stirpe here-
ditarium plane habuit, usq; ad Conradi i. Franconiae ducis tempora, qui,
extincta stirpe Carolina, pura Electione creatus fuit. Inde in Imperio
Germanico, Electio, majorum imitatione laudabili, recepta fuit & et-
iamnum viget. Bodinus quidem l. 2. c. 3. in fin. de Rep. existimat in Au-
striacâ gente Imperium Romanorum tam altè radices egisse, ut ejus evellē-
di vix ulla spes esse videatur: quò nihil aliud in effectu insinuat, quàm
liberâ Electionē Septemviris subtrahi, & in vicem Electionis, successio-
nem substitui. Verum eundē modum servât Dani & Poloni, apud quos,
licet Rex eligi soleat, constat tamen, continuata temporū serie, eosdem
ex eodē genere Reges suos elegisse, quod natos paternæ virtutis, Thua-
l. 56. heredes futuros sibi persvadeant, & quod in parentibus admirati
sunt, hoc de filiis eorū facile sperari posse confidunt. Non tamen ex ijs
quod Bodinus autumat, colligi fas erit. Nam quæ ratio? Ut continuata
temporū contextu Alberto, Fridericus iii. huic Maximilianus i. isti Car-
olus v. huic Ferdinandus; illi Maximilianus ii. huic Rudolphus ii. &
tandē huic Matthias, ex domo Austriacâ, substituti fuere, ita, si forsità
magis in familiâ aliâ alius Electoribus placeat, hunc non minus, quàm
illos in solū Imperiale votis suis sublimare possunt: quæ sanè potestas,
ne Electoribus adimeretur, capitulationibus subsequentiū non minùs,
quàm Caroli v. cautum est, quod dignitatem Imperij suę familię pecu-
liarem vel hereditariam facere, aut etiam Electoribus libertatem suf-
fragiorum præcipere non velint. Arum. disc. ii. ad Aur. Bull. Caroli iv.
Imp. th. 2. Quicquid olim fuerit, hodie Imperium non Successione, sed
Electione deferitur. Aur. Bull. Ita quoties evenit vacare Imperium, Ele-
ctores convenire in unum, & Regem Romanorum in Imperatorem pro-
movendū eligere, officij & juris jurandi necessitate, obstringuntur. Ex
his itaq; satis patet, Imperatoris Electionē salutariter in nostra Rom-
ano-Germanicâ Monarchiâ esse introductam, ideoq; retinendâ. Restat
ut argumenta pro Successione allata resolvamus. Primum de multitudine
Populorum allatum, nō ullo modo nos constringit, cum multitudo
errantium nō pariat errori patrocinium. Quin imò constat, longè plu-
res gentes Electione usas fuisse. Ad secundū dicimus: Virtutem semper
certiorem Ducem esse, Naturâ. Ad tertium. Non animadvertere Petrum
Greg. Tholoz. longè majora incommoda ac pericula Successionem com-
mitari. Quod si mascula proles deficiat & adsint famellæ, nonne inter
has & patruos litium semina de Successione spargentur? Quid? si maf-

culus adsit, qui verò ob ætatis imbecillitatem ac impotentiam fasces
 moderari nequeat, annon plurimorum annorum nascetur *αυαρία*? Nen
 est, quod de præfectis ac tutoribus dicant. Periculosissima u. est eorum
 administratio, quod plurimæ nobis commonstrant Historiæ. Demetrius
 Soter, mortuo Antiocho fratre, relicto filio primogenito, cujus Tutor
 constitutus erat, hunc fratris filium curavit enecari, ut solus regnaret.
 Justin. Sic Cassander Alexandri M. heredes jugulavit, quorum Tutor
 constitutus erat, ut ira regno potiretur. Just. l. 15. Quod ergò ad inter-
 regnum attinet, in Electione præcaveri facile possunt, quæ inde regno
 nascuntur incommoda & pericula: Si nimirum successor ante mortem
 Regis designetur, sicuti Carolus v. petijt, ut sibi Ferdinandas substitue-
 retur. Sleid. l. 17. Sic hæc de re satis in Germaniâ, præsertim in Electio-
 ne novi Imperatoris, provisum est, ubi duobus Electoribus, Comiti Pa-
 latino Rheno, & Duci Saxoniz, mortuo Imperatore, administratio est
 demandata, donec tempore statû, & præcisè ad hanc rem dispositò, no-
 vus eligatur. Aur. Bull. Quartum solvimus per rationē sextam pro Ele-
 ctione ad ductam. Quintum, sextum & septimū nobis eximit ratio no-
 stra. iv. pro Electione allata. Qvin imò plura sunt mala & incommoda
 in successione timenda, inter quæ primarium ferè, quod talis approbandus,
 qualè illa suppeditat, siye is jam sit bonus, siye malus, quod omni-
 nò in electione non sit, cùm optimum eligendū esse svadeat. Si ergo cō-
 tingat, ut, qui in Imperio vivunt, perversi sint viri, omninò præteriri
 possunt ac debent. Ita Lydij hominem simplicem ac probum ad Imper-
 rium evehere maluerunt, quàm potentioris fortunam experiri. Et no-
 ratu dignum illud, quod Conradus i. cùm in stirpe suâ nullum imperio
 aptum deprehēdisset, Henricū aucupem hostem suum successorem sibi
 elegit, ob virtutes, quas in ipsius animo splendere animadverterat. Ad
 octavum respōdemus, quod illud non facile præsumatur, cùm ejusmodi
 inprimis personis Electio demādetur, quæ ab omni suspitione liberè sint
 & immunes, adeoq; sanctè polliceantur, se, abjecto omni affectu. Ipse-
 ro omni munere, dignissimū electuros, quod Electores facere in electi-
 one Imperatoris exaur. bull. Caroli iv. colligere possumus. Imò & il-
 lud ad reprobandā successione adduci potest, quod non rarò Principes,
 ob ardua negotia, quibus implicantur, liberos suos negligentius curent
 institui. Hinc silvescere incipiunt, & cùm postmodum in libertatem
 vindicare se experint, parū præcepta juvabunt; cujus rei exemplum in
 Nerone habemus, qui frustra, ubi ad imperatoriū culmen evectus fuit,

Præceptorē Senecam habuit, ipsumq; ex sævitiā, truculentō mortis genere, enecavit, nec hoc solō contentus, sed matrem etiam enecari, utrumq; ejus dissecari in conspectu suo iussit, ut videre posset, qvō in loco in uterō materno infans positus fuisset. Nec Zopyrus Thrax discipulum suum scortatione potuit abstrahere, nec Nausithous Achillem ab ebrietate, quia uterq; in primo ætatis flore corruptus fuerat. Frustra n. præcipitur illi, quem mali mores corruerūt. Sen. c. 49. Ad Nonū hæc sufficiat responsio: Si fortē accidar, ut Princeps ex Electione constitutus, durante imperiō, degeneret, atq; à regia virtutis viā ad vitiōrū tramitem defleat cum Domitianō, Sver. in Dom. & ex leni patre cruentus carnifex fiat, qvōd de Forlego II. Scotorum Regulo scribit Buchananes l. 4. Rerum Scot. p. 96. ille rursus exui regno potest. Ita Dionysius filius Dionysij Syracusani Tyranni (qui primū dum se bene gerebat, populo gratus & acceptus erat) ob crudelitatem regno pulsus est. Just. l. 2. Ita Poloni regem suū Mitzlaum de solio regali deturbarunt. Ad x. et xi. R. non quidem negari, alicubi successioni etiam suas tribuendas commoditates: verū hic qværi, si secundū omnia instituenda comparatio, utra sit potior: Successio an Electio. Atq; hæc de oppositis rationibus dixisse sufficiat.

QVÆSTIO XI.

*Utrum Pontifex Romanus, ex donatione Constantini M. Italiam
& Urbem Romam obineat.*

*2. & p. 80.
1. 2. & 3. Tom.
Vitar. Constanti:
hi*

VEniamus in hac qvæstione ad patrimonium Petri, i. e. ad jus præten-
sum Pontificis Romani in Italiam. Alst. Encycl. Syst. Polit. l. 18. c.
18. fol. 1660. Prætendunt Pontifices suam esse urbem Romam, suū reg-
num Sicilię, suam universam Italiam, suum deniq; totum Occidentē,
& ex donatione quidem Constantini M. primi Christiani Imperatoris,
qui Ecclesię commoda maximē adjuvit. Verū hanc donationem pu-
rum purum esse figmentum ac mendaciū putidam Babylonis mysticę,
ē pluribus constat. Qvare utrum illa donatio facta fuerit nec ne, in hac
qvæstione videbimus. Causas ob qvas hanc donationem factam ajunt,
inutiles ac furiles proferunt hæc. I. Quia imperator Constantinus leprā
correptus à Sylvestro Papā Romano curatus fuerit. II. Quia Baptisma
acceperit à Sylvestro, ideoq; Christianus effectus ipsi gratificari volue-
rit. Contrā, qvōd hæc donatio nullo modo facta fuerit, his probamus
rationibus, I. desumimus ex silentio historicorum fide dignorum, qvā
Constantini vitam & illius temporis gesta scripserunt, & Constantini
tempore vixerunt, ut suis Eusebius, Socrates, Sozomenus, Theodoretus

De alijs, quos refert Arnib. in tractat. de temporal. Pontific. potest. Platina, et si vasa aurea argenteaqve, item redditus, quos luminaribus Petri & Pauli Constantinus Sylvestro assignarit, accuratissimè recenseat: minimè tamen hujus immensæ prodigalitatjs mentionem facit. ii. ab absurdò & Improbabili. Quia illa donatio nò tantùm contra fidem historicam est, verùm nullo etiam modò verisimile & probabile est, Imperatorem, cui nihil jucundius & gratius contingere potuit, quàm Provinciarum & regnorum accessionibus imperium augere, illudq; longè lateq; proferre, patriam suam, & caput Orbis terrarum, tot item tantaq; regna alteri donasse! sanè non tantùm sui suq; dignitatis, verùm etiam suorum, &, quod maximum est, Populi Romani, quorum laboribus & sanguine ad Imperium fuerat evehctus, immemor fuisset, quod credibile nò est. iii. A Consequentibus. Quia constat Constantinum Imperatorem morti vicinum, Imperiũ & regna sua inter tres suos filios distribuisse, Constantinũ videlicet, Constantium & Constantem. Constantinus totius Occidentis Cæsar constitutus est, &, Constantino à militibz propè Aquilejam interfectò, Constans ejus frater Occidentalibus partibus imperavit. Constante verò & ipsò per fraudem interfectò à Magnentio Tyranno, Constantius, qui in Oriente Imperium obtinebat, audiens occisum fratrem, Imperiumqve à Magnentio occupatum, in occidentis partes venit, ac extincto Tyranno, imperium Italiæ ac totius Occidentis recuperavit: atq; dehinc ad annos 140. apud Constantini Successores integrum imperium permansit. Quomodo itaq; Constantinus Sylvestro Occidentalium partium ditionem donavit? Quod si donata illa quidem fuerat, & à Constantini filijs injustè occupabatur, cur Romani Pontificis querelæ nullibi extant? Ubi tunc ejus fulmina? Ubi ignis ille sacer, quò postea tot regna conflagrarunt, tot fortissimi imperatores adusti occubuerunt? iv. A negatâ omni possessionis apprehensione. Quia nec à Constantino nec ab ejus Successionibus Pontifices Romani unquam ulloq; modo in possessionem sunt admissi. Vid. Laur. Valla, qui solidè probat Donationem Constantini M. merum esse somnium & imposturâ Papæ. v. A tacitâ confessione Pontificum. Quia ipsi Romani Episcopi in Concilijs & alibi, quando probationem asserre debuerunt, nò ausi fuerunt hanc Donationem ulterius urgere. Hic Johannes xxii. dum Anathematis fulmen in Ludovicum Bavarum Imperatorem vibrat, Christi vicariatũ saltem pretendit, de hac Donatione magis, quàm piscis mutus. vi. Ab hominum Pontificiorum testimonio. Multi in & sub ipsis Papatz tenebris hanc Donationem multis cõfutarunt. Videatur inter alios Johann. Avent. Annal. Bojorũ l. j. f. 447.

VII. A Pugnanti. Quia ipsi Pontificij de hac Donatione planè repugnante & contradictoria proferunt. Citant n. Melchadem seu potiùs Miltiadè testem hujus donationis Sylvestro factę, qvem tamen antè Sylvestrum Petri naviculam rexisse constat. Aut itaq; Sylvestro non est facta donatio, aut de eà Miltiades testari non potuit, qvi antecessit Sylvestrum. Atqvi secundùm Papicolas hæc donatio facta est Sylvestro. Ergo Miltiadis testimoniũ falsò adducitur. Deinde in autorib; hujus donationis variant Papicolę. Nā modò eam Constantino adscribunt, modò Carolo M. ut est apud Crantz. l. 2. rer. Saxon. c. 1. modò à Caroli M. filio Ludovico Pio factam esse Paschali Papę asserunt. Ex quibus fraudulentę machinationes Pontificiorum manifestę & ad oculum apparent. Nam qvòd semel nostrum est, ampliùs nostrum fieri non potest. IIX. A cõnnexis & nō probabili. Falsitas præterea inde quoq; patet, qvòd tempore Concilij Nicani, qvòd Constantinus cõgigir, Sylvester, tanqvam Episcopus Romanus, Ecclesijs tantùm suburbanis præfuerit, qvòd non fecisset, si donatio facta jam fuisset. IX. A non scripto. Quia nullum usqvam in toto juris civilis corpore extat Donationis hujus vestigiũ, cùm tamens ut ICI monent, ea, qvę notabiliter fiunt, specialiter sint notanda. X. A non coherente. Si jam olim omnia Occidentalia donasset Pontifici Constantinus, qvorsum opus fuisset liberalitate novę Pipini & Ludovici; semel tantùm res nostra fieri potest. XI. Ab Impossibili seu Indecenti. Constantinus donare Sylvestro nō potuit Occidentem: Quia intercessisset hæc donatio de bonis, & juribus ejusmodi, qvę S. imperij caput & cor tangunt, qvęq; visibus tantę majestatis impressa manent. Nec n. imperium in manu Principis est, ita, ut ejus jura pessundare, & instar pecunię per fenestrā ipsi ejaculari liceat. Bald. Jura siqvidem proprietatis & dominij universalis, nō ad Principem, sed ad ipsum imperij corpus pertinent. Dicat tamen fortè quispiā: Imperator est mundi dominus. Jam verò qvilibet rei suę moderator & arbiter est. R. Imperator in reb; imperij tunc Domini loco habendus, qvando Remp. administrat, nō verò qvando imperium spoliat. Imperator n. Dominus est qvoad Jurisdictionem, protectionem & administrationem, nō qvoad alienationem: ideoq; non magis imperator jus habet diminuendi imperij, qvam truncandi sibi ipse caput ac mutilandi membra. Siqvidem imperator tñm, enormiter imperiũ diminuendo ac veluti viscera ejus eviscerando, fit homicida proprię dignitatis. Vid. Gerlac. Buxdorf. in dissert. ad præmium Aur. Bull. in clus. II. Bona n. sunt secundus hominis & præsertim tantę dignitatis sanguis. Sicut a. sanguis est vehiculum animę & vitę naturalis, ita bona sunt vehiculum vitę civilis, qvib;

dimi-

diminutis, dignitatis acies maximè operè hebescit. Quare quæ dignitatem &
 maiestatem imperij lædunt, ea ne facere quidem posse imperatorem, sta-
 tuimus. XII. A iusti & liciti negatione. Neque recipere potuisse Papam hanc
 donationem Constantini M. asserimus inde, quia hoc possumus, quod ho-
 nestè & licitè possumus; hoc verò non possumus, quod est contra leges.
 Huic autem donationi, ipsiusmet Pontificis leges contrariantur, ubi alie-
 nationem Regis Hungariæ, ne iurejurando quidem confirmatam, valere
 vult Honorius III. cum in regni tendat detrimentum. Imò ipsa divina re-
 pugnat lex, quæ jubet Cæsari dare, quæ sunt Cæsaris, & Deo, quæ sunt Dei.
 Jam verò ad Cæsares imperia, ad Sacerdotes pertinent ministeria. Ad du-
 bitandi rationes supra adductas itaque sic respondemus. I. Argumentum
 quod consistit figmentò, quia ex Chronologia aliud demonstratur.
 Nam dicitur Constantinus tunc temporis quartum Consulatum gessisse
 Gallicanò quartum Consule. Atqui Constantinus M. cum Gallicanò
 non fuit Consul, ut ex Historis manifestum est. Ostendit quippe is
 fuit: I. cum Maximianò Herculo IX. Consule; II. cum C. Lici-
 niò III. cum C. Liciniò III.; & IV. cum eodem C. Liciniò IV. Consu-
 le; V. cum Liciniò Juniore Cæsare; VI. Cum Constantino Juniore Cæ-
 sare; VII. cum Julio Constantinò Cæsare; VIII. Cum Constantino filio
 Cæsare. Unde jam & quisnam Gallicanus ille, & quis Constantini M. cum
 Consulatus? Imò verò à verò planè alienum est, leprâ correptum pò-
 tuisse recipere Consulatum & in publicum prodire, cum illi, qui tali mor-
 bo correpti essent, neminem ad se admittere, sed in privato sese continere
 debuerint, exemplo Regis Azariæ 2. Reg. 16. v. 5. qui leprâ correptus, sta-
 tim ad Iothamum regnū transiit. Quin & inde (ne plura attingamus) hoc
 donationis Instrumentum falsitatis arguitur, quod in eò sancitum dicitur,
*Pontifex Romanus Principatum teneat, tam super quatuor sedes, Alexan-
 drinam, Antiosbenam, Hierosolymitanam, Constantinopolitanam: quam et-
 iam super omnes in universo terrarum orbe Ecclesias Dei &c.* cum eò tem-
 pore Constantinopolis nondum condita fuerit. Cæpit enim condi, annò
 post conditum mundum 4277. post Christum natum 328. Cons. Fl. Magno
 Januariò, & Fabio Iustò, proximò annò ante octavum seu ultimum Con-
 stantini Magni Consulatum. At donatio hæc facta fingitur Constantino &
 Gallicano IV. Consulibus. *Mendacem oportet esse memorem.* Ad II. oppo-
 nimus Papiculis omnes Scriptores Ecclesiasticos, qui unanimiter asserunt,
 Constantinum Baptisma distulisse usque ad ultimum vitæ suæ terminum,
 & Nicomedie tandem, ab Eusebio, ipsius loci Episcopò, baptizatum. Si-
 quidem

quidem ipse in Jordane baptizari voluit, ubi Christus ipse à Johanne baptizatus fuisset, ut ipse Eusebius testatur: *Cum Constantinus*, inquit, *esset Nicomedia, morbo corripitur, ibiq;* quòd sciret, quàm incerta esset hominum vita, *donum suscepit Sacri Baptismati.* Id enim facere ad illud usque tempus distulerat: quia in Jordane fluvio, quo Christus baptizatus, consecutorum speraverat. Quibus omnibus falsæ Papicolarum Inductiones proflus & in totum confutantur, profligantur & in fumos ac favillas rediguntur. Vid. Alsted. Encyclopæd. libri 18. Systemat. Politici cap. 18. pag. 2660.

conf. Schönbarer. Hist. 2. c. 18. & eundem. Rel. de Institutione

QVÆSTIO XII.

Utrum Pontifici, præter gladium spiritualem; qui ipsi, tanquam Episcopo Christiani primario, modò eò relictus sit, convenit; gladius secularis etiam competat, isq; eam potestatem in omnes Reges ac Christiani Orbis Principes habeat, ut eos deponere, & regnū ac territorijs suis eicere possit, quando & ubi voluerit.

Distincta esse dona DEI, Sacerdotium & Imperiū, nec sine magnâ ataxia con-
posse, notum est Quare Ecclesiasticam & Spiritualem potestatem ita à tem-
distinctam esse & fuisse constat, ut nihil derogat illi aut detrahatur, quò minùs
ma ordinatione seculares Principes propriam exercere valeant jurisdictionem,
ulla veterum Canonum & Conciliorū universalium læsione & injuriâ, præsertim
& ipse Ecclesiæ summus Pontifex non semel testatissimum faciat, se minimè ve-
giam, civilem & secularem perturbare dignitatem. Quò & Innocentius Papa co-
at, quando ita scribit: *Non putet aliquis, quòd jurisdictionem illustris Regis Fran-*
perturbare aut minuere intendamus, cum ipse jurisdictionem nostram nec debeat n-
impedire. Quare relicto gladio spirituali Papæ, modò illò relictus utatur, dici
competere illi gladium secularem, multò minùs eam potestatem ipsum haben-
mnes Reges & Christiani Orbis Principes, ut eos deponere & regnis ac territo-
exuere atq; eicere possit. Vid. qvæst. 6. supra tractata. Sicq; , DEO sit laus, co-
nè huic nostræ dissertatiunculæ imponimus Faxit Jehovah ter. opt. max. ut
dem aliquando Christi Ecclesia & Sponsa afflictissima ab Antichristi Romani,
umq; aliorum, tum externorum, tum internorum hostium tyrannide liberata,
plenèq; respiret, deq; hisce hostibus suis victrix lætissima triumphet.

Μένω τῷ Θεῷ τῷ πανσόφῳ καὶ παναγῶν δοξα.

